

憲宗大王實錄

卷之八

酉己申戊未丁

02 30301

no.8



國立臺灣大學圖書館典藏
由國家圖書館數位化

230301

昭和7.10.10

未丁

憲宗經文緯武明仁哲孝大王實錄卷之十四

十三年

清道光十七年

正月辛巳上展拜于太廟春謁也○王大妃寶齡四旬上詣

仁政殿親上致詞箋文表裏受賀頒教赦○教曰月正元日緡儀誕舉子小子

頌祝之忱曷其有極仰體慈殿撝謙之德雖未能備禮識喜亦豈無廣慶之道

貢人舊遺在三千石市民徭役限一朔洋人懸房贖限十日諸道舊還最久條

限五萬石並特令蕩減○壬午上御春塘臺行歲首犒饋○教曰親上箋文表

裏時舉行禮房承旨洪鍾英對舉承旨李源益左通禮金基周右逆禮睦用錫

並加資○以李圭徽為慶尚右道兵馬節度使○癸未○甲申○乙酉○丙戌

○丁亥上詣仁政殿月臺親傳宗廟永寧殿春享香祝仍詣徽定殿齋宿○戊

子親行徽定殿春享○己丑中批以徐憲淳為吏曹判書○庚寅以朴岐壽為

兵曹判書○給順天等邑燒戶恤典○辛卯以曹錫亨為吏曹參議李景在為

司憲府大司憲李嘉愚為漢城府判尹○壬辰○癸巳○甲午○乙未上御熙

政堂引見大臣備局堂上上曰御史前已抄啓而亦有設賑之邑欲於早晚間

出送矣右議政朴晦壽曰昨年九月果為抄啓而開北四五邑雖非公賑聞是

私賑云迨此時出送似好矣上曰雖非設賑處亦可也晦壽曰昔在正廟朝時

分遣繡衣而非獨設賑處或只遣幾道或只遣幾邑矣上曰抽柱送之則亦好矣擢金英淳成遂默李景在為正卿徐憲淳曹錫亨尹定鉉任百經洪祐順為亞卿晦壽啓請龜城府流亡還一千五百餘石蕩減從之○以韓鎮庭為吏曹

參判李根友為吏曹參議○京各司各營進丙午會計簿戶曹納屬惠驛兵曹總管訓局禁營御營

時在黃金一百三十六兩九錢四分銀子二十萬三千九百三十七兩四分
文六十三萬二千七百三十六兩九錢五分銀子二十萬三千九百三十七兩四分
四十八萬三千三百五十九兩零零零零零零零零零零零零零零零零零零
八十八萬二千五百六十五兩零零零零零零零零零零零零零零零零零零
石一萬二千五百六十五石零零零零零零零零零零零零零零零零零零
石十四萬二千五百六十五石零零零零零零零零零零零零零零零零零零

戊戌○己亥以朴永元為禮曹判書金周默為司諫院大司諫金英淳為刑曹

判書○庚子○辛丑○壬寅上御春塘臺行人日製及漢學文臣殿講三營將

官試講教曰人日製表居首尹致英直赴殿試三營將官中入格人頒賞居不

人並令總營決棍○癸卯召見入格儒生于熙政堂○給康翎高山鴻山等邑

燒戶恤典○命犯越罪人江界許廣春金上實等鳥首境上觀察使節度使地

方官施罪有差○甲辰召見及第回榜人上護軍尹尚圭于熙政堂教曰此重

臣以正廟侍從八晝回榜豈可無示意之舉上護軍尹尚圭判中樞加設單付

○乙巳○丙午○丁未以李惟秀為訓鍊大將○中批以徐憲淳為總衛大將

○戊申○己酉○庚戌上詣仁政殿月臺親傳先農壇節祭香祝○以閔致成
為司憲府大司憲李景在為工曹判書○二月辛亥上詣景慕宮齋宿○召見
侍原任大臣于景慕宮齋殿上曰本宮祝式既稱皇叔高祖父又稱從曾孫此
果何如趙寅永曰既稱皇叔高祖則當以從玄孫稱之而曾孫二字用於太廟
故似或因此援用矣權敦仁曰宗廟祝式稱以孝曾孫此即有道曾孫之義而
有道曾孫之稱只可用之於太廟矣今此從曾孫之稱不可不釐正矣○教曰
正廟純廟翼廟三朝寶鑑謹當繼為纂輯矣今該曹擇日開局○以李魯乘為
司憲府大司憲○以任聖皋為右邊捕盜大將○壬子親行景慕宮春享○給
南平等邑燒戶恤典○癸丑教曰幸行時侍衛服色宜有一定此後則凡隨駕
服色並用軍服實為簡便此係儀節令政院收議於時原任大臣及禮堂以來
尋因詢同以軍服定制○甲寅○乙卯文衡會園五點趙秉鉉金興根朴永元
以趙秉鉉為大提學○丙辰上詣仁政殿月臺親傳釋奠祭香祝○丁巳上詣
仁政殿月臺親傳社稷春享香祝○戊午上詣仁政殿月臺親傳南壇祭香祝
○以洪義錫為全羅道觀察使○己未○庚申上御熙政堂引見大臣備局堂
上命飭農民勸相之方○以李嘉愚為司憲府大司憲尹積為司諫院大司諫

○辛酉○壬戌上詣景祐宮行酌獻禮以今年為嘉順宮嘉禮回甲也○教曰酌獻禮時執禮李裕元執尊韓啓源大祝沈熙淳禮房承旨金洙根並加資○癸亥以成遂默為漢城府判尹○甲子○乙丑設春到記講居首宣聞周製述賦居首金炳冀并直赴殿試○命前後直赴殿試人並付今番庭試榜末○丙寅月有食之○召見入格儒生于熙政堂○丁卯以閔致成為司憲府大司憲趙忠植為司諫院大司諫金洙根為忠清道觀察使○行日次殿講居首鄭漢源直赴殿試○戊辰○己巳以韓正教為司諫院大司諫○庚午○辛未上詣坡州牧行宮○壬申遂詣仁陵行酌獻禮歷拜長陵還詣坡州牧行宮○設三邑儒生應製武士試射賦居首李杓直赴殿試○癸酉還宮○甲戌○乙亥上御春塘臺行慶科庭試武科會試○丙子上御春塘臺行慶科庭試文取趙雲卿等二十四人武取金榮鉦等一百四十五人○丁丑上御熙政堂受文武新恩謝恩○以成遂默為刑曹判書金公鉉為慶尚道觀察使○給公州等邑燒戶恤典○戊寅上詣春塘臺行皇壇春享祭誓戒○己卯行藥院入診于熙政堂召見寶鑑纂輯摠裁官以下上曰今番庭試洪秉壽是卿宰之子而以居鄉呈券可乎領府事趙寅永曰雖甚未安在前賦表雙懸之時隨其所業而呈券

者亦或有創矣上曰卿宰之子有此冒法之事與坡州圖籍何以異哉立身之初事君先欺如是則將無所不為所當拔去特以慶科故姑為安徐而不可無警此意傳于其父可也寅永請春川流來虛卜特令蕩滅川浦之結限五年減稅仍令查起勸墾俾為還充之地從之○三月庚辰○辛巳○壬午○癸未○甲申○乙酉○丙戌○丁亥以金英淳為漢城府判尹○戊子○己丑先是盛京咨文以江界越邊冒墾冒採人搜討事別定欽差大臣兩員指日出來上以不可只令邊將待之命勞問饋遺叅酌贈勅劄從厚為之以江界府使及道內秩高守令借戶曹叅判承旨卿奉御帖往慰之○庚寅給杆城郡燒戶恤典○辛卯以金左根為兵曹判書○壬辰○癸巳○甲午上御蕩春臺行瑞葱臺試射○乙未○丙申○丁酉以李憲球為司憲府大司憲○戊戌上詣奉室行禮毅宗皇帝忌辰也○上御仁政殿設叅班儒生應製○己亥上御熙政堂引見大臣備局堂上命包蔘二萬斤外加定二萬斤革灣府私稅以稅入十萬緡付之經費○以李公翼為吏曹叅議○庚子○辛丑召見忠清監司金洙根于熙政堂辭陞也上曰本道聞多獎瘼云各別惕念對揚可也又教曰從當有繡探之舉而守令黜陟必以貪廉為主可也○設三日製于泮宮○壬寅召見入格

儒生于熙政堂○癸卯上詣仁政殿月臺行太廟夏享普戒○甲辰命英陵寧陵補土堂上驪州牧使宋持養加資○乙巳○丙午○丁未上詣摛文院齋宿召見回還冬至使○戊申○四月己酉上詣太廟齋宿○庚戌親行太廟夏享○辛亥○壬子召見慶尚監司金公鉉于熙政堂辭陞也○癸丑○甲寅○乙卯○丙辰○丁巳○戊午○己未○庚申上詣永禧殿展謁仍詣儲慶宮展拜○辛酉上御春塘臺行西北別付料試射及瑞葱臺試射頒賞○以閔致成為司憲府大司憲宋持養為司諫院大司諫○壬戌○癸亥○甲子○乙丑○丙寅○丁卯○戊辰○己巳○庚午以徐箕淳為禮曹判書李憲球為刑曹判書○辛未○壬申上詣毓祥宮延祐宮宣禧宮展拜○癸酉○甲戌○乙亥○丙子○丁丑○戊寅上御春塘臺行文臣製述及宣傳官試講○五月己卯○庚辰○辛巳○壬午○癸未○甲申○乙酉○丙戌○丁亥召見萊川縣監李源達于熙政堂源達以欽差大臣勞問使奉御帖還來也上曰物種雖是各邑所供而能不至斂民而民情何如乎源達曰果無斂民之弊而擾民則不得不然矣上又教曰防後之道何如而果無更來之慮乎源達曰臣聞彼地多有採參處又有金產匪類因此潛聚云而防守之道我地沿江或五里或七八里置一

守幕或一將二卒或一將三卒有警則放砲相應連放三砲則霎時間無慮數
三百人聚集云可謂緊密而彼地則一百六七十里外始有六七防守處則易
致匪類之潛入而今番出來欵差言于指引曰小小來住之人不必番番咨問
若移牒於鳳城則自可轉達於皇城雖令春秋來搜似甚便好復命之日當以
此面稟皇上云矣上曰似便好矣○戊子○己丑教曰年前儒武與守令別薦
間或收用竟無實效蒐羅人材之本意果安在哉况崇獎儒術大關世教之污
隆小民命脉專係守令之治否而前後另飭便歸文具可勝歎哉大政隔月選
舉之方不宜蹈循常例林下讀書劬躬篤行之士令道伯居留之臣勿拘前御
與儒生博採以聞文蔭武廉明著績人亦自廟堂收薦於諸備堂及曾經時任
藩臣並與前薦合抄啓下銓曹以為擇用之地○庚寅上詣仁政殿月臺親傳
景慕宮夏享香祝○以金東健為禮曹判書○辛卯上御熙政堂引見大臣備
局堂上上曰吏逋限石數斷用一律則法令可伸而小民亦有聊生之道矣右
議政朴晦壽曰逋吏之斷用一律本有定式而蓋吏輩犯逋實由於守令貪墨
之故也另加嚴束則自當少逋矣上曰雖有道啓繡論之後曾未幾何依舊仕
宦專無顧忌懲畏之意如是而其可曰國有法乎必嚴立科條然後庶有補於

為民之政禁錮之外有加等議律之事而賊吏則亦有決杖之例乎晦壽曰果有加等與決杖之例而聖教如是申復雖以賊吏之恣橫豈無畏戢之心乎上曰賊污守令之禁錮與決杖等事及通吏之計石用律不容不先示令申之意與諸備堂議定科條以為草記啓下可也又啓言公差擬嚴殿最飭羅羅從之又啓言今番查辨之行雖由彼地而來往其實則專為我國邊事故原咨中盛言皇上憂恤外邦之意矣且大臣將軍俱以隆秩特旨遠來燒棚毀壑竣事告還凡係格外之舉宜有稱謝之禮亦不可不具由先通矣今若傳給鳳城以為轉達則殆同循例有欠重事面之道請以來頭使行奉表稱謝之意令槐院措辭撰咨別定咨官專送北京禮部而盛京禮部及將軍衙門咨文一體撰出以為歷路轉致之地從之○壬辰○癸巳○甲午以趙秉鉉為兵曹判書○乙未○丙申○丁酉○戊戌行藥院入診于熙政堂上曰近來原任大臣一不登筵如值時相有故之時原任大臣替行次對古無其例乎都提調權敦仁曰臣謹考正廟朝時故事則時任與原任果有同登筵席之例而時任有故之時則亦有次對替行之例矣近來則時原任之不為同登筵席便成謬例因循至此矣上曰近來如值次對之時則藥院日次都提調例不入來是何故也敦仁曰非

欲苟避次對每因事掣碍不為入參矣上曰每每如是誠為訝惑而時原任大臣俱是備局堂上則似是同為廟謨矣敦仁曰考之掌故則同登筵席近無前例而每當次對之時時相徃復於原任大臣相議可否則此無異同登筵席矣上曰雖云相議不為登筵誠為可訝矣上又教曰向日賓筵以儒生守令別薦之意有所批教矣卿果見之乎敦仁曰見之矣上曰湖中即士夫鄉也或有飭躬讀書之士而先正後裔中亦或有之乎敦仁曰臣於掃墳之時下去故土見之則年少輩無可與語者此非但臣家為然古家後裔之飭躬讀書者絕無聞焉誠甚慨然而臣何敢一一詳聞乎另飭該道守令廣求博訪則或不無其人而我國痼弊專尚門地故巖穴之間或有讀書之士而不能舉用上曰日前賓對右相以民事有所仰奏故略有批教而目下安民之道無過乎懲貪墨一事日後守令若有公物挪移之人則必以贓律施行之意有所批答矣敦仁曰聖教及此臣謹當仰奏矣古人有言曰進用廉吏一人不如退黜貪吏幾人大抵國之安危專係於民之困瘁專係於守令民生之困瘁莫甚於近日言念及此哀痛極矣不患無法惟患法之不行從今以往嚴明舊規大張懲貪之政如有現數者少無容貸斷用畫一之法則必有丕變之化矣九重雖曰深邃階

前萬里則庶無不燭矣○己亥○庚子○辛丑○壬寅右議政朴晦壽劄陳職律改定之弊批曰卿之難慎於改定慮有窒礙者謂在法之律乎抑謂決杖之文乎法為天下之平刑政甚大方令收議卿其安心諒之○教曰向日賓對酬酢專為民事也守令之犯用公物蔑法饜利剝割民產假托私貸之類設法不用每準輕律則哀彼小民何以聊生所以有嚴立科條之議而即見右相之劄以律文增減為慎亦無恠其如此也立國規模本尚忠厚列聖仁澤浹洽民心則今不可別立苛刻之條而若王府之法文自在犯者之治律反輕則非但人信法此何異於罔民而誨盜也哉叅互本律期于無刑使彼無良不法之輩革心改面知戢而罔犯則民國之幸莫過於此並與守令還徵逋吏用律宜合廣詢而處之收議於時原任大臣諸備堂曾經藩任令廟堂條列以聞後因廷議不一寢不行○命各陵園節享藥果勿令臨其時分詣煎造自太常前期監煎務從蠲潔○癸卯上御春塘臺行漢學文臣日次儒生殿講○甲辰○乙巳○丙午以吳取善為成均館大司成○丁未○六月戊申○己酉○庚戌○辛亥○壬子○癸丑○甲寅○乙卯○丙辰○丁巳○戊午○己未○庚申教曰湖西別薦中前教官宋達洙以先正之孫屢除不就今又登剡其飭躬篤行之

實宜有優獎之舉今日政六品職擬入○辛酉○壬戌○癸亥○甲子○乙丑
上詣真殿行茶禮○丙寅○丁卯○戊辰○己巳○庚午○辛未上御春塘臺
行日次儒生殿講及都政以閔致成為司憲府大司憲李豐翼為司諫院大司
諫申從翼為慶尚左道兵馬節度使鄭瑋為忠清道水軍節度使李元夏為全
羅道兵馬節度使金翰詰為京畿水軍節度使兼三道統禦使喬桐府使○壬
申行日次儒生殿講比較于熙政堂召見守令邊將初仕人教曰日次儒生比
較以製代講排律居首黃鍾顯直赴殿試○癸酉○甲戌○乙亥○丙子上御
春塘臺行專經文武臣殿講命承史閣臣別雲劔兵摠府堂上入直王堂左右
通禮并使之七言近體一首製入○以趙龜夏為弘文館副提學成原默為成
均館大司成○丁丑○七月戊寅上詣仁政殿月臺親傳太廟永寧殿秋享香
祝○己卯○庚辰○辛巳○壬午兵曹參判李羲發從縣道上疏以開言路崇
儉德講武事三條陳勉批曰所陳諸條無非切實當體念矣見職已遞卿其勿
辭教曰此人以正廟侍從有此陳勉極為嘉歎前參判李羲發知事單付○上
御誠正閣引見大臣備局堂上上曰俄見前參判李羲發上疏以遐鄉年老之
人有此陳勉甚為嘉尚此是嶺南人而何時登科乎右議政朴晦壽曰正廟朝

登科亦被抄啓之選矣上曰年高之人能如是進言合有褒獎之舉矣又啓言
近來京外公貨不嚴管鑰在在楊然常所閱然際聞禁衛營貨簿書錯亂事
多駭聽此係前大將之所勘簿云揆諸國體寧容若是前禁將李惟秀亟施譴
罷之典雖以時將臣言之簿書之錯亂若是漫不致察所傳掌者何所典守者
何亦難免溺職之責禁衛大將任聖臯請施以越俸之典從之教曰近來將臣
之濫用營貨雖不索言誠極駭歎此宜自廟堂各別察飭○以洪學淵為司憲
府大司憲李孝淳為司諫院大司諫曹雲承為成均館大司成金學性為弘文
館副提學○癸未○甲申○乙酉○丙戌○丁亥以徐憲淳為弘文館副提學
○佛蘭西夷二船漂到萬頃地方命差送問情譯官○戊子上展拜于太廟景
慕宮秋謁也還御總衛營行一內禁軍試射○己丑○庚寅以閔致成為司憲
府大司憲金在田為司諫院大司諫○辛卯○壬辰以李應植為訓鍊大將金
煥為御營大將○癸巳行館錄五點趙龜植李墩李裕膺尹景善金會明趙熙
哲尹行謨宋廷和趙雲卿趙在應取十人○甲午○乙未大王大妃以諺教下
于賓廳曰五百年宗社之托惟在主上一身而春秋漸盛螽斯之慶尚今晚晚
不幸坤殿有疾恙不可以藥治期望此非但未亡人暨王大妃情事悶鬱而已

舉國顛望之心所同然也祖宗陟降之靈其所企待尤當如何今日大事廣求儲嗣為急若趨起不言虛度歲月則憂慮罔措不知所屆謹遵國朝已例揀選士族中處子置諸嬪御則廣嗣之道惟在於此今此諄教于朝廷極為不安而此實邦家大計故不得不如是縷縷卿等須思有宗社大慶之道焉○召見時原任大臣禮堂于誠正閣教曰慈教如此懇切謹當奉承矣自十四歲至十九歲處子禁婚○丙申○丁酉○戊戌上詣北苑行望拜禮○以尹致秀為成均館大司成○己亥○庚子設七夕製于泮宮○辛丑○壬寅行都堂會圈五點趙龜植李墩李裕膺尹景善金會明趙熙哲尹行謨宋廷和趙雲卿趙在應取十人○上御誠正閣引見大臣備局堂上○癸卯○甲辰○乙巳○丙午○八月丁未上詣仁政殿月臺親傳社稷秋享香祝○戊申○己酉上詣仁政殿月臺親傳景慕宮秋享香祝○以李容鉉為全羅右道水軍節度使○庚戌備局啓言彼人書封今纔騰來故騰本入啓而其書辭不過望求糧船抵本道監司者則與昨年書不可一削看監司答書以糧與船依願另施之意善辭作答事面穩便書中既有領回文之語亦不可無發落依前日筵奏書示辭意令槐院撰出下送使問情官眼同任譯據理曉諭監司答書亦令一體撰出下送完伯

處以為傳致之地允之○辛亥○壬子上詣仁政殿月臺親傳南壇祭香祝○
癸丑○甲寅以李嘉愚為咸鏡道觀察使具信喜為咸鏡北道兵馬水軍節度
使○乙卯上詣真殿行茶禮○命北查中宋朔不伊施以次律防垣鎮卒宋得
哲金光云犯越彼地殺人掠物而還彼人遂越江來滄殺兩漢而去得哲子年
未成者以當初隨父潛越事因此伯查啓廟堂覆啓以為原情而論罪或可恕
執跡而看法固難賞請依律處斷教以次律施行○副司直成近默從縣道上
疏略曰伏聞去年洪州異操船已有凶書之投而以潛越洋人之見誅於邪獄
者謂我戕殺云爾則其辭有不足辨也而我人之為賊窩主者形跡已露不可
一日容貸所宜窮覈情節而朝廷寬大只是為吾所當為而治之以不治者庶
有萬里明見七旬來格之化矣奈之何賊謀之潛滋暗長而禍亂之交結醞釀
以至有今者古羣山洋船事耶此果漂船乎海賊乎其待之以漂船柔之若遠
來者其必有應變之奇策而得非所謂披心腹露情實示之以本然之弱者耶
賊之來也必有所以也其留也必有所以恃也邪黨之為窩主者必有其人而付
之勿問則古今天下寧有是耶噫虜使請斬其無人於今日乎弘立鄉導將復
見於今日乎洋賊雖非虜使之類而彼邪黨者恐不知為幾弘立也我之料賊

反不如賊之覘國而若徒見誑於邪術見陵於邪賊惟以保養妖邪為緩禍之
長策則將見我小中華一域淪胥為妖獸恠鳥而莫之救也從古戎狄之禍豈
有善惡之可辨而至於此賊則肆然稱義理備厥無前之異端以威脅聖人之
道此華夷人獸之大關鍵也楊墨之道非身親為亂臣賊子之事也孟子曰仁
義充塞率獸而食人又曰能言拒楊墨者聖人之徒也彼之使船如馬橫行大
海則此殆虎而翼者疑若無與為敵然售妖負力而無敵於天下云者臣未之
前聞也蓋妖不勝德邪不犯正即建天地之常理也今若天地壞而人類盡則
已苟非然者安有以堯舜周孔之道為海外妖邪之賊所僂辱也耶今日聖志
之在勤學聖學之在主敬不可得以議也而至於闕遺之有無惟在乎睿念之
反省過則如日月之更善則如風雷之遷若聖志知止聖學克明正論大行正
氣盛壯如大明中天萬物咸覩則彼陰邪者敢于其間乎尚何洋學之可憂
邪黨之可畏也哉批曰異船之課歲來到甚是駭訝今見爾疏闢邪之論痛切
明快若使匪類聞之足可以革心而斂跡餘他陳勉諸條殆近屢千言有以知
憂愛惓惓之意曷不服膺秋涼漸生爾其從近蓬朝補予不逮予方側席而待
之○佛蘭西漂夷去夷為七百許人兩船俱壞別送一從船往江南省上海縣

僱三大船來計其往來為十五日其兩云領回文者即前年洪州外烟島來泊
瑟西耳之抵我輔相書之答也上命優遺牛猪糧米菜茹以柔其遠及其去有
抵全羅道臣書○丙辰以李啓朝為吏曹參判鄭取朝為吏曹參議○給始興
縣漂戶恤典○丁巳以金大根為奎章閣直提學○給廣州府漂戶恤典○備
局啓言即見全羅監司洪義錫狀啓則以為古羣山異樣船已為離發矣所謂
書封未知辭意之如何而彼既發還未能斥退則邊情所關不容仍置即為圻
見後謄書上送于本司原本與物種姑令封留於該鎮將處封閉二幕亦為着
意守護而島民之跨朔供億貽獎必多自本道各別措處俾無失所渙散之獎
今番事倉卒應變或多失宜至於書示答書之事亦且緩不及竟使彼揚帆而
空還置物而留期他日之慮不可不念彼書中既有大清國和親之說則必是
澳門許接中一種也會於壬辰乙巳喚舶之來泊也皆有移咨禮部之舉今番
則較之兩年尤有情狀之叵測者以前後佛蘭事實與己亥洋人用律事令槐
院具由撰咨因曆行付送禮部因請皇旨飭諭兩廣總督俾無更來之獎從之
○大佛蘭西國水師總兵官拉別耳為照會事竊照前水師提督瑟西耳領本
國派來此海各戰船元師去歲至此曾有公文進呈貴國輔相大人許以次年

派船來領回文不期本總應署此任悉查佛蘭西國與大清國既定萬年和好本總兵故領船二隻即光榮凱旋好意前來領文奏覆本國以踐前水師提督兩許不料未得入口早為暴風損壞本總兵不得已於此近島離民僻處海濱上暫置水手任卒治下人負以望救濟茲今人多水乏糧食太半盡為海水浸壞切念貴國常優禮以濟遠鄉壞船之人切望濟助水糧食用再祈體照慨催船二號俾本總兵差負即去大清上海請催別號船隻前來載此眾壞船人負等早得回國則感德不盡催船及濟助食用價銀自必公道送覆倘或貴國此時多能催船載此眾難人一齊去上海則更是妥便也若早催得一日則少留停一日以免累貴國且我佛蘭西皇帝必有以懷貴國濟助其國人負於患難中之患本總兵亦切願與貴國結永久和好臨池不勝切望之至為此照會貴道使祈為體照須至照會者右照會高麗國全羅道使大人救世一千八百四十七年八月十三日道光二十七年七月初三日○戊午○己未○庚申○辛酉○壬戌月有食之○癸亥以尹致英為奎章閣直閣金炳德為待教申紹為忠清道水軍節度使徐有薰為成均館大司成○給富平等邑漂類戶恤典○甲子○乙丑○丙寅○丁卯○戊辰以李憲球為司憲府大司憲姜潛為司諫

院大司諫○己巳○庚午○辛未教曰李承憲之疏何為而至也醫藥之請固得矣而句語甚多不審且以不為議藥歸咎於朝臣者可知其挾雜矣此不可以言事有所叅恕姑先施以刊削之典原疏頒布○副司果李承憲疏曰伏以臣即所謂踈逖之臣人主不識何狀者也兼之間散病警窮鄉凡朝廷大小事一未省聞久矣獨奈一段彞性尚未全泯婆憂耿耿日夕祈祝只願蚤觀則百之慶永鞏於萬之基忽於去月晦間得伏見慈聖諄教之下於賓廳者其憫坤殿沉痾之祟為宗社深遠之慮惻怛懇摯有足以動神明而感木石臣擊讀未半不覺聲淚之交迸也未敢知中宮殿下證候根於何祟而若是緊重至於望絕螽斯也今以不可樂治期望之教觀之其非一朝一夕之故可知驚惶迫尤不知何以為懷也臣竊見匹庶家婦人有子宮虛而經道乖妨於生育者則必皆審脉察祟投之以種王之湯壬子之丸又旁求刀圭之涉於補血導氣者用不拘時差以為度畢竟虛者實乖者調其告效而成胎者十常居九矣惟我坤聖春秋既盛雖有愆和之漸若即對證試劑期獲靈驗安知不如執契責報又况皇天祖宗垂臨於冥冥推之天理叅以人事豈終無誕彌之慶乎詵以朝廷臣分上言之其未承慈教之前事屬茫昧固無可言既承慈教之後理宜焦

遑奔走即日侍藥之不暇而將及四旬尚此寥寥者是甚道理是甚事體異日
國史書之曰國母有疾朝臣不為議藥後世將以為何如也言念及此良覺寒
心伏乞分付藥院極擇女醫之瞭於脉理者詳診坤殿證祟之源委亟試當劑
俾盡保護之方以慰臣民煎灼之私焉顧臣出位陳章極知猥屑而第念君臣
猶父子也父母苟有疾恙為人子者竭誠於療救之節自是人道之常也今臣
願忠於國母比諸父母雖或有理一分殊之端而情理之切夫何間焉故敢刊
落常規冒貢微忱倘聖明矜其愚而諒其心不以人廢言另加留神於醫藥一
事則實東方萬世之幸也○壬申副修撰尹景善疏略曰即伏見傳教下者有
李承憲刊削之命矣取見其原疏則措辭果多不審句語極其荒亂外托言事
內售挾雜淵鑑所照情狀莫逃第念坤殿醫藥保護之節即臣分所懂懂豈容
一毫緩忽而伊日請對大臣有以醫藥之請懇懇於前席則此疏之隱然歸咎
於朝臣者此固妄率之極亦未敢曰無所包藏其言則雖藉憂愛之論其心則
莫慝不逞之習其在靖世道之義決不可薄譴而止臣謂亟施屏裔之典以示
淑慝之別焉今番揀選之命即列聖朝已行之儀節廣求儲嗣為宗社之大計
凡厥在廷孰不攢仰帝王家法必以正家為先此二南所以自壺內而化天下

者也顧今淑媛將迓邦國行慶此實無疆之福而宮闈之內禮節斯嚴益勉修齊之工庸著雍睦之德恰鐘鼓之樂毓麟趾之慶正為國家億萬年之休也惟殿下懋哉惟我中宮殿下春秋漸盛朝野顒祝惟在於本支繫衍而伏奉王度欠寧之教舉國焦慮愈久愈切臣未審患崇之如何而症候不至久譽方技必有對劑伏願亟許頻診期獲奏效以副中外之望批曰李承憲事藉托醫藥嘗試乖亂之習非不痛惡而姑此寬貸一付公議所請不允陳勉可謂得體予當留念而爾乃能言此人所難言之事如是辨別足可見忠款之誠極庸嘉尚調治之方已自宮中盡意爾言過慮矣○大司憲李憲球陳疏請李承憲拿鞫得情賜批○癸酉三司聯劄請李承憲拿鞫得情賜批○以任百秀為司諫院大司諫○給洪川縣漂戶恤典○甲戌時原任大臣聯劄請李承憲丞允羣請批曰今番悖疏亦一世變究厥包藏情狀絕憐假托藥院顯售網打况又慈教所無之句語乃敢肆然發口痛惋之外豈勝驚悚此是子之不能見孚於朝廷而然也寧欲無言卿等之請如是嚴峻何難即從而張大之舉終涉難慎李承憲特施島置之典卿等其諒之○兩司合啓請李承憲拿鞫得情不允○給順天府漂戶恤典○中批以尹景善為承旨○乙亥○丙子○九月丁丑日有食之

○戊寅以朴永元為工曹判書金相宇為忠清道兵馬節度使李熙昇為黃海道水軍節度使○己卯○庚辰○辛巳○壬午○癸未領府事趙寅永陳䟽自引其略曰臣於楸鄉滯留之際得見前卿李承憲䟽矣其違辭悖妄指意陰險已為天鑑之所燭朝廷之所聲討靡有餘蘊則臣是自外追入之蹤無由更指一辭而以朝臣以下語脉推之臣固愚昧莫曉其所以也伊日請對臣實為首今日朝臣臣實為首臣亦粗具彞性略知君臣父子之義則其何敢以前席一言諉以盡分不思所以自引乎伏願勸臣當勸之律以光萬世之史冊焉批以還第經日尚未相面只切悵然向來悖䟽之攙論朝臣即假托也包藏之計意有所在卿之如是為引誠萬萬過當矣况卿之前席懇陳即惟曰醫藥則言者之言可知其意不在醫藥而莫掩詆誣網打之無所不至卿勿復提是子之望矣卿其安心○甲申○乙酉○丙戌上詣綏陵徽慶園展謁行酌獻禮○以洪在詰為刑曹判書○丁亥○戊子○己丑以李若愚為兵曹判書○庚寅○辛卯○壬辰○癸巳○甲午○乙未○丙申上御誠正閣引見大臣備局堂上右議政朴晦壽啓言近伏聞大內營作之役無論新勑舊葺役力相仍今猶未止竊想今所營作必不至於壯麗奇巧又不至於害經費勞民力然其實則無益

不急之務也。又足以耗財用而損儉德也。若曰其費出於內藏而不煩外府，則有所不然者。無論內外之財，皆出於民。夫豈有二源也？伏願殿下懋盡節約之政，無益不急之務。一切裁損，務使所出不踰所入。則自當有補於民國。此在殿下立志定規之如何。是臣區區之望也。批以所奏極為切實，當體念矣。○以李穆淵為司憲府大司憲，李源達為司諫院大司諫。○丁酉中批以趙斗淳為戶曹判書。○以趙秉鉉為廣州府留守。○慶尚監司金公鉉以晉州等十三邑民家漂頽一千六百三戶人物滄壓死十二名，啓命拔例施恤。○戊戌上詣真殿行茶禮。○己亥給清州等邑漂頽戶恤典。○庚子上御春塘臺行總衛營射放技藝大比較。○召見咸鏡道暗行御史洪祐健于誠正閣，罪吉州牧使李周詰、咸興前判官趙雲始、茂山前府使南錫禹、高原前郡守鄭裕睦、洪原前縣監李漢容等有差。上曰：書啓與別單已覽之。而邑獎民瘼果何如乎？祐從曰：獎瘼之可以矯揉者，已以別單仰陳。而就其最大者言，惟還政與田政是已。本道賦役頗輕，而應上納者率多儲留。此實朝家特軫之德意。惟還獎一歎為北民切骨之瘼，殆乎無邑不然。不容不急。先矯揉矣。上曰：還獎何至於此乎？祐健曰：北關十邑則因公私穀之同為出秩混置一庫官長，則易於挪貸。吏鄉則從以效

尤轉至於公庫板蕩欠通日增之境矣上曰公私穀混置一庫而然乎祐健曰
北關則果因此為弊而南關則雖無此弊官長之犯用吏鄉之幻弄奸竇百出
不一其端矣至於田政則本道無執災之規而用比摠之例故田疇之陳荒者
川浦之汰落者並不執災年年白徵北民苦瘼莫此為甚不可不一番改量以
揀此弊矣上曰沿路農形何如乎祐健曰北關則因去年大水良田沃野並入
沙汰所見誠為慘然而窮春生活尤倍遑汲故餅罌之粟難及役糧鶉鵠之民
未遑耕墾陳荒之田大半皆然始見夏穀之善就追聞秋事之免歉而民食之
艱尚多餘憂南關則野地頗喜豐稔而山峽間多枯損至於三甲厚長四邑鎮
因早霜之致已有判畝之慮誠不勝憂悶之至沿路各邑則關東四邑免凶亦
難而畿邑則稍勝於關東矣○命明川朴宗允獄案審慎稟處其妻令本道另
加調恤咸鏡道暗行御史洪祐健啓言明川府有一疑獄至於四檢竟以朴宗
允為正犯杖斃而其妻金台史慟夫非命誓心雪冤屢呈營邑三徹天聽跋涉
千里乞食道塗臣所露蹤之邑逐處來訴至於隨到城闈期伸其冤情狀之憫
惻節義之懇摯可謂無媿神明且其幼女年纔八歲勸母復讎渠獨守殯日夜
號哭五載如一遐陬稚駉之能識倫彞者尤為卓異其在激勸之道合施褒美

之典矣教曰屢經檢查而尚未究竟可知獄情之疑眩而金女之積年鳴冤稚兒之日夜號哭非徒矜惻亦甚嘉尚申飭本道另加調恤本案則既有道啓令秋曹十分審慎即速稟處○辛丑○壬寅上詣仁政殿月臺行太廟冬享誓戒○癸卯○甲辰○乙巳○丙午○十月丁未○戊申上詣仁政殿月臺親傳宗廟永寧殿香祝仍詣太廟展謁省牲器○己酉以金東健為漢城府判尹尹定鉉為成均館大司成徐左輔為禮曹判書鄭壽基為全羅左道水軍節度使○庚戌設九日製于泮宮○辛亥○壬子上御春塘臺行秋到記講居首李達亨製述表居首趙文和並直赴殿試○癸丑召見入格儒生于誠正閣○甲寅召見忠清左道暗行御史李升洙于誠正閣上曰書啓與別單已悉其民瘼而所見果何如乎升洙曰屢豐之餘邑瘼民瘼別無大段為瘡者而如于民瘼已仰奏於別單中矣上曰本道及沿路農形則何如升洙曰當初果有豐徵矣為七月晦間雨水所損畿湖兩經各邑皆未免歉矣上曰就別單中言之則何事為第一巨弊乎升洙曰牙山貢津倉捧稅事實為四屬邑之痼弊矣上曰執錢事何為而然也升洙曰元來四屬邑稅穀皆以本色米上納矣近來則專為執錢取剩雖精白之米全數點退屬邑吏民與民間戶首輩既不能以米上納又無

以從他買得仍以代錢防納之意圖囑于官乃以高價沒數執錢而以本邑田稅大同米換納取剩蓋以高價執錢之故屬邑結價隨以亦高四屬邑之民實受其弊矣○罪清州前牧使李祖植全義前縣監金鳳叙永春前縣監洪冕容溫陽郡守沈宜益稷山縣監尹榮遠忠州前牧使李衡遠丹陽前郡守閔璜世新昌前縣監李愚謙平澤前縣監鄭性秀牙山前縣監李用觀延豐前縣監韓重履堤川前縣監洪璋燮等有差因御史書啓也○乙卯○丙辰○丁巳召見忠清右道暗行御史宋廷和于誠正閣上曰邑弊何如廷和曰以比年屢豐之效民邑間別無大段為弊者矣上曰然而其中有何弊乎廷和曰如干弊瘼已陳於別單中而三政中列邑結弊無邑不然公州最以物衆地大之邑結弊較甚於他邑原摠不足至為六百餘結之多每年稅納既難疊徵於結民則各面書負自為擔當此猶不足則分徵於諸吏名之曰任徵莫重稅納事面苟且列邑中最高為弊矣上曰農形何如廷和曰初夏以來雨暘均適將有大稔之望矣至七月發穗之時晚澇太過多至損穀沿海沮洳之地則受害尤甚雖不及當初所料而免歉則似優矣上曰沿路農形則何如廷和曰京畿沿路農形亦皆免歉矣○罪忠清監司趙雲澈舒川前郡守李喆榮瑞山郡守申善浩禮山

縣監宋一成鴻山縣監金魯謙石城縣監洪憲變結城縣監申命衍海義縣監
金性浩公州前判官權永圭韓山前郡守韓益東禮山前縣監李正觀青陽前
縣監朴臣圭公州判官李源弼等有差因御史書啓也○戊午正言尹行福疏
略曰噫彼趙秉鉉賦性奸惡行已叵測平生經綸無非傷人害物之心畫宵揣
摩盡為營私利己之愆即是千妖萬惡之物也偏被聖上拂拭之恩擢之以崇
秩畀之以權要則其所以圖報者宜倍他人而傾檢之性濫猾之習即其伎倆
也憑恃寵靈惟事踈踈兩子之科並出數三朔之內曾未幾年驟躋下大夫之
列清顯華臚之職兼并於一門之中左右撓攬惟意所欲第宅之雄甲於一城
土田之膏列置八路自行威福莫敢誰何勢成威立脅制朝廷嘖笑之間榮枯
判焉語默之際殺活分焉從古權奸之擅弄國柄欺誣一世者何限而豈有如
秉鉉之罪紙不勝書者哉即舉國之所共罵人臣之所共憤者也若使彼忘君
負國之類一向翱翔於殿下之廷則世道何以澄清習俗何以矯正乎忠憤所
激按住不得不避忌畏敢陳短章伏乞聖明淵然三思廓揮乾斷廣州留守趙
秉鉉亟施以屏裔之典使輿憤洩而王章伸焉批曰此人事豈至於此乎所論
太欠忠厚爾則罷職○己未○庚申雷教曰邇來冬候之太暄已有乖於時行

之令而轟燁之異又在此際不令不寧不啻若警告而提撕滿心驚悚繞壁不寐其在昭事之道何敢晏然自逸自今日限三日避正殿減膳撤樂庸伸子一分懋對之忱○兩司聯劄陳勉仍請趙秉鉉施以投畀之典批曰仁天示警否德增悚今茲所陳匡子不逮嘉尚之餘繼用慚歎子雖不穀當益加自勉爾等亦隨事獻替轉灾為祥是子之望至於趙秉鉉事委寄之如何孤負之如何到今不欲索言而深量者存姑無以允從矣○大司憲李穆淵疏略曰去夜轟燁之灾乃在純陰之月灾不產生必有所召人事生於下則天變應於上咎徵之作豈無由然日者臺彈峻發而殿下斬許國言諠藉輿情沸鬱此足為致灾之一端也噫嘻權奸之擅弄國柄踈踈無忌憚者從古何限而未有如今日之趙秉鉉蓋其賦性狡厲宅心檢毒真箇是開國承家勿用之小人也肆昔我翼宗大王洞察其情狀擴而遠之終不近焉乃於十數年來左右兜攬行其所無事內外敷歷任其所欲為勢焰則父子並據清要氣習則朝廷盡為脅制於是乎憑恃寵靈放恣日甚俯伏趨走不知尊敬之禮動靜云為全昧謹畏之義宮禁之深嚴而伺察窺覘巧言之碁間而包藏禍心朝廷馬事無巨細而渠所不預則敢肆訾毀政注焉官無大小而渠所不悅則輒加擠排眼無君父自作威福

况復假托公用廣取私財八方貨賂輻湊如市渠若有一分臣子之心乃敢欺
蔽藉賣至於此極乎渠是何人負犯如此而猶使之偃息自在也雖以殿下好
生之德曲加寬貸必欲終始全保其可得乎伏願廓揮乾斷亟允臺臣之請以
絕亂萌以弭天災馬批曰所陳切實修省之方益當自勉而趙秉鉉事已有諸
臺之批矣○辛酉○壬戌兩司合啓請趙秉鉉設鞫得情賜批○癸亥以洪學
淵為司憲府大司憲○賓廳聯劄請趙秉鉉事亟允臺請批曰目下層生之論
未始非積而後發而卿等試思之全保世臣即我朝家法也况以暑聲討有此
商量亦豈無所以而卿等之言又如嚴正予亦何可一向靳持重傷事面乎
當有處分矣卿等其諒之教曰近日盈庭之言然乎否乎毋論虛實以此人而
得此言豈非究說不得之事乎一以循既發之論一以存終始之恩不害為兩
行不悖趙秉鉉巨濟府島置以示予曲加全保之意○三司合辭請趙秉鉉事
亟允前請賜批○甲子賓廳聯劄請趙秉鉉事快允臺請批曰自見合辭可謂
日聞其所不聞而聲討峻嚴轉益難遏予亦何可一向曲貸但島置之典即不
與同中國之義也過此以往予有十分深量此豈出於力拒羣請而然也卿等
亦庶幾諒之也○給平壤府燒戶恤典○乙丑○丙寅冊金氏為慶嬪主簿在

清女也○丁卯○戊辰○己巳○庚午以尹致秀為成均館大司成○以徐箕淳為司憲府大司憲李經在為司諫院大司諫○以李憲球為漢城府判尹○判下嘉禮廳堂郎以下賞典都廳朴來萬加資○辛未教曰向來都憲疏未始非出於公共之論而其中一二句語大有不審之罪翼宗朝時何嘗有擴而遠之之事至於基間二字又非章奏間遽爾登聞者則初不指的疑眩說去者果是何意趙秉鉉之許多負犯幾盡披露則何患聲討之無辭而以此二句肆然撓入者究其旨意寧不駭惋歷日思之有不可以論事而置之勿問前前大司憲李穆淵姑先施以削黜之典以懲講張之習○壬申時原任大臣聯劄自引劄略曰臣等於前前大司憲李穆淵削黜傳教有萬萬惶慙不敢晏然者夫逆鉉之斷案昭著三司之大論方張而二字句語既發於憲疏一辭聲討狼藉於劄啓臣等只認以莫大罪案不免為隨衆臚列者雖出於懲討之是急而其不審講張之罪亦無所自逃章奏文字何等審擇而忱誠欲效鸚逐旨意徒歸鶻圖今何可強分先後不思所以自列乎伏願亟降威罰以安賤分焉批曰此事根由罪在首發而已懲討方張之時既不能明知其指的則過去撓入理勢無怪以此自引豈不萬萬過當乎卿等其安心諒予聲悉之意○癸酉召見三使

臣于誠正閣

冬至正使成遂歇開使尹致定書狀官朴商壽

辭陞也

○甲戌給富寧等邑滄戶恤典○

乙亥○丙子以徐箕淳為司憲府大司憲李經在為司諫院大司諫○十一月

丁丑政院啓言三司諸臣雖伏承退去之命懲討斯急俞音尚靳忠憤轉激更敢拚死請對矣教曰此人事子豈無斟量而辛丑云云屢發於章奏子何以知其虛實而此人之得此聲於梁楚果何故也近日聲討非不過情而許久相持徒損事面島置罪人趙秉鉉加施圍籬之典今此處分出於十分稱停如或更煩豈無處之之道乎即為退去○命求對三司并罷職○戊寅時原任大臣聯劄請圍置罪人趙秉鉉亟降嚴鞫之命批曰前後批旨與傳教釐悉子意而此事之極存商量卿等亦庶幾諒之矣○以李敦榮為司憲府大司憲韓正教為司諫院大司諫○己卯兩司合啓請削黜罪人李穆淵丞令王府設鞫得情夫正典刑批曰此事之子所疑恠已悉於向來傳教而處分自有斟量不允○庚辰以徐有薰為吏曹參議○辛巳○壬午上詣仁政殿月臺親傳景慕宮冬享香祝○以金東健為吏曹判書○三司詣閣求對賜批○癸未教曰李穆淵事子實有未曉者其二句語出於有心乎無心乎有心則自歸矯誣無心則果何指の其悖妄之罪講張之習不可一向曲恕削黜罪人李穆淵在子島安置○

命求對三司並遞差○甲申○乙酉○丙戌○丁亥○戊子○己丑○庚寅○辛卯召見時原任大臣禮堂于誠正閣教曰明年即我大王大妃殿恰躋六旬王大妃殿望五之慶年也予小子歡欣頌禱之忱容有極哉摸聖德於玉牒祝寶齡於瑤觴即亦我家已行之典禮政合援用於今日而况我純宗大王暨我翼宗大王聖德大業比如天地高厚環東土億萬蒼生至百世有不能忘者而尚未有發揮闡揚之舉予小子攀慕靡極之情尤當如何今當亞歲令節招見時原任大臣及禮堂以此大典下問則僉議詢同一辭稱慶亦已仰稟于兩慈殿矣純宗大王追上尊號都監大王大妃殿加上尊號都監翼宗大王追上尊號都監王大妃殿加上尊號都監合設舉行政官牌招開政都監堂郎差出又教曰上號翌日當進饌于大王大妃殿矣諸般儀節令禮曹稟旨磨鍊○壬辰○癸巳○甲午召見進饌兩堂上于誠正閣○以南秉哲為弘文館副提學李景在為司憲府大司憲權漫為司諫院大司諫尋遞以俞章煥代之○乙未賓廳以上號望啓純宗大王追上尊號望體聖凝命欽光錫慶大王大妃殿加上尊號望隆禧翼宗大王追上尊號望體元贊化錫極定命王大妃殿加上尊號望獻聖○丙申○丁酉右議政朴晦壽三疏乞辭相職賜批勉副○戊戌復

拜權敦仁為領議政○以洪學淵為司憲府大司憲金穰根為司諫院大司諫
○己亥○庚子○辛丑以閔致成為司憲府大司憲柳致明為司諫院大司諫
○召見全羅左道暗行御史李教英右道暗行御史俞致崇于誠正閣上曰書
啓與別單已覽之而邑癘民瘼果何如乎教英曰許多弊端略具於別單矣致
崇曰邑癘民瘼有難枚舉略以別單仰陳矣上曰沿路農形何如乎教英曰屢
豐之餘僅免歉矣致崇曰右道亦然矣上曰異樣船來泊處見之乎致崇曰果
見之矣上曰彼人見之乎致崇曰見之矣上曰得無騷動乎致崇曰初頭問情
之際不無騷動而今則無之矣上曰彼人拔劍云然乎致崇曰彼人以渠文字
不受之故有此舉措矣○罪臨陂前縣令趙順淳萬頃前縣令朴宗鎮泰仁縣
監曹錫弼全州前判官吳肯默羅州前牧使金有喜金堤前郡守趙雲始高敞
前縣監權謔茂長前縣監趙然昌務安前前縣監金英秀靈光前郡守南性教
益山郡守權永圭珍山郡守李教俊咸悅縣監李禹鉉咸平縣監尹錫夏等有
差因御史書啓也○罪雲峯前縣監鄭裕健求禮前縣監姜集光陽縣監徐有
恕和順縣監宋益洙樂安前郡守閔重憲南原前前縣監宋在誼長水前縣監
鄭胄錫寶城郡守李定熙等有差因御史書啓也○壬寅○癸卯○甲辰○乙

已上御春塘臺行柑製表居首李徹宰直赴殿試○十二月丙午召見入格儒
生于誠正閣○丁未削副司果俞錫煥職勿施權應夔注薦教曰今番注薦事
甚是可駭有罪名者亦入其中豈有如此事體乎該薦勿施薦主施以譴削之
典○戊申○己酉○庚戌○辛亥○壬子○癸丑○甲寅○乙卯上御誠正閣
引見大臣備局堂上領議政權敦仁陳勉批曰紀綱之頹敗朝象之骯髒皆子
自反處講學之不免寒曝尤為慚愧卿之所陳切實可見忠款豈可不孜孜服
膺乎又請節財用批曰近日國計之漸絀民生之益困皆由於侈靡崇儉約謹
制度果是藥石之論也子當加勉而卿亦董率百官丕變習俗掌賦之臣一體
警飭○教曰守令初仕之擇不擇大係民命前後飭諭不啻申複而終歸文具
常所慨歎兩銓今既登筵子當面諭而自廟堂時加警飭期有實效○以李魯
秉為司憲府大司憲尹積為司諫院大司諫○丙辰以金鍵為三道統制使兼
慶尚右道水軍節度使○丁巳教曰前後處分既有稱停庶各知子本意而臺
諫如是煩聒欲致鎮安者反非所以止息之道趙秉鉉施以加棘之典李穆淵
施以圍籬之典在臺諫可謂伸其請矣此後毋敢更煩即為退去○戊午上詣
仁政殿月臺親傳社稷宗廟景慕官臘享香祝○教曰日寒如此內外各營入

直軍兵及各門守門軍薄衣與流丐違宣傳官摘奸以來○己未○庚申○辛酉以徐箕淳為刑曹判書○壬戌○癸亥○甲子以李敦榮為刑曹判書○乙丑以洪學淵為司憲府大司憲李孝淳為司諫院大司諫○丙寅○丁卯○戊辰以閔致成為吏曹參判金在田為吏曹參議○己巳上御春塘臺行漢學文臣殿講及翰林召試金德根趙然興閔致庠被選○庚午○辛未○壬申○癸酉以徐憲淳為吏曹判書○甲戌○乙亥都政下批以李埈為成均館大司成閔致成為司憲府大司憲尹教成為司諫院大司諫金鼎集為吏曹參判○京兆獻民數五部及八道都元戶一百五十八萬七千一百八十一戶人口男三百三十七萬七千九百二口女三百三十七萬三千七百五十四口

憲宗經文緯武明仁哲孝大王實錄卷之十五

十四年

清道光十八年

正月丙子上展拜于太廟春謁也○大王大妃殿寶齡六旬

王大妃殿寶齡望五上詣仁政殿親上致詞箋文表裏仍頒教受賀赦○丁丑

教曰正月上日誕舉縟儀予小子歡忭慶祝與昨年何異其在廣慶之義宜有

示意之舉貢人舊遺在三千石市民徭役限一朔泮人懸房贖限十日各道舊

還限三萬石蕩減○命陳賀時禮房承旨李根友對舉承旨徐有薰宣教官奉

常正金世均並加資○召見守令邊將初仕人于誠正閣○戊寅○己卯教曰

是年是月即皇明太祖高皇帝建有天下之舊甲也風泉之感曷有其已十二

日當詣奉室行禮矣該房知悉○庚辰上詣仁政殿月臺親傳社稷大祭香祝

○辛巳給洪原縣滄戶恤典○壬午○癸未命高原郡虛殼還八千石並蕩減

嚴飭嶺北十邑公私穀混置一庫之弊因本道暗行御史洪祐健別單廟堂回

啓也命逋吏之因官用加下公穀虧欠上納愆滯者令道臣隨現嚴劾自京司

一一還徵因全羅道暗行御史李教英別單廟堂回啓也○甲申○乙酉上御

誠正閣引見大臣備局堂上命遣官致祭于忠愍公李鳳祥忠壯公南延年贈

參判洪霖之清州表忠祠贈大司憲李述原之居昌褒忠祠仍命錄後以戊申

舊甲再回也○領議政權敦仁啓言臣於昨冬湖西右道湖南左道兩繡啓實
有不勝其駭歎者湖西之論結城前縣監申命衍曰冊室之預政云云聞該倅
在官以來前後無他人之居冊者而只有其父就養於其官次云湖南之論雲
峯前縣監鄭裕健曰與其兄斗健以下諸句臚列狼藉藉曰其言皆實父與兄
同也罪在於弟而論及其兄亦與結城之啓何異焉湖西右道御史宋廷和湖
南左道御史李教英請並施謹削之典批曰兩繡衣事傷敗猥屑果如卿奏謹
削猶輕所當嚴處而亦不足深責依施○命故奉事李顯在特贈臺職孝行也
○命龜城府使李容純許用防禦履歷○命今番增廣科名以大王大妃殿寶
齡六旬王大妃殿寶齡望五純宗大王追上尊號大王大妃殿加上尊號翼宗
大王追上尊號王大妃殿加上尊號合六慶慶科增廣設行○教曰李玄文即
駭悖沒覺之類屢經查招合施當律而以法從銜命之人宛轉呼號於縲綫桁
楊之下者亦既多年足懲其濫杖之罪况今慶會無前需澤旁流非曰無辜寧
失不經揚州囚推罪人李玄文特為減死定配于金甲島○丙戌以李魯秉為
司憲府大司憲○丁亥○戊子○己丑○庚寅京各司各營進丁未會計簿戶

餉廳應職兵曹總管訓局禁營御營時在黃金一百三十一兩四分銀子二十
萬三千八百八十一兩六分八厘錢文七十三萬五千六十七兩七錢九分

軸八十三同二十七尺十四尺八寸四分二厘三毫三絲二十同十九尺七寸二分七厘二毫二絲一忽
十同三石二十四尺九寸八分七厘二毫二絲一忽
百七十二石五斗五升一石合零六斗七升一合皮雜穀三萬六千一百四十一石四斗
五萬二千五百五十一石合零六斗七升一合皮雜穀三萬六千一百四十一石四斗
升五

○辛卯以閔致成為司憲府大司憲洪學淵為刑曹判書○壬辰○癸巳

○甲午設人日製于泮宮○以李若愚為刑曹判書○中批以徐左輔為兵曹

判書○以尹致秀為弘文館副提學○乙未召見入格儒生于誠正閣○丙申

給咸陽等邑燒戶恤典○丁酉○戊戌以金興根為禮曹判書李景在為司憲

府大司憲○己亥上詣奉室行禮○以閔致成為司憲府大司憲洪祐順為司

諫院大司諫金東健為議政府左叅贊○庚子行本館錄八點李昂叙鄭鑿李

彙圭金禹銖柳來維柳興吉南鍾三尹行福沈宜元睦仁哉李昂信李維謙朴

敦默尹哲求朴浚愚金炳雲金有淵徐堂輔鄭錫朝洪祐命權永秀尹堉李升

洙李鍾浩洪秉壽趙獻永取二十六人○辛丑○壬寅○癸卯以尹義倫為御

營大將○甲辰○二月乙巳上詣仁政殿月臺親傳景慕宮春享香祝○丙午

○丁未○戊申以尹定鉉為黃海道觀察使朴容壽為江原道觀察使金相宇

為黃海道兵馬節度使申紹為忠清道兵馬節度使申觀浩為全羅道兵馬節

度使李敏教為忠清道水軍節度使○己酉○庚戌○辛亥○壬子○癸丑○

甲寅上御誠正閣引見大臣備局堂上領議政權敦仁啓言凡係科弊莫大於茂公循私而近來風氣欲銜公道之美名惟恐榜眼之或侈必以最晚雜軸不成貌操者用意收取榜面未嘗不宰宰其黑而能文實才舉皆沈屈餘草借手莫不巍叅入選之券傳為一世之笑罔叅榜之人過半隨從之常賤請自今嚴飭主試無敢復踵謬習批曰近日科試之弊可謂末如之何前後提飭終無實效常所慨歎所奏果為切中從此以後各別申飭痛革謬習○擢李敦榮金箕晚金學性為正卿○以金學性為漢城府判尹趙秉駿為奎章閣直提學○大司成李埉疏略曰臣因公入泮宮目見講藝堂上兩旁風薨楸朽敗一經夏滂傾頹乃已不勝其寒心矣顧今國用不贍經費亦難而即此事實係不可已者也若或失今不葺漸至有日頹圮莫可收拾之境向後興工之費不啻幾倍伏願亟令該司從長措劃以為興弊舉墜一新改觀俾聖化有光焉批曰泮宮修改果係急務令廟堂從長稟處○乙卯○丙辰以李若愚為議政府左叅贊李憲球為右叅贊○丁巳行都堂會圍四點李昂叙鄭鑿李彙圭金禹洙柳來維柳興吉南鍾三尹行福沈宜元睦仁哉李昂信李維謙朴燾默尹哲求朴浚愚洪祐命權永秀尹埉李升洙李鍾浩洪秉壽趙獻永金炳雲金有淵徐堂輔

鄭錫朝取二十六人○戊午○己未以金箕晚為刑曹判書○庚申月有食之
○辛酉○壬戌上辰拜于穆陵元陵行酌獻禮○癸亥教曰是歲即我英廟揚
武戡亂之再回甲也祇謁仙寢愴慕深切向因大臣兩奏既致侑於表忠褒忠
兩祠矣戡亂諸臣之忠之勞又豈無示意之舉海恩府院君吳命恒家違禮官
致祭兩家祀孫并復職調用且念效忠樹勲之人不止於此而有不能盡舉咸
須知悉○穆陵元陵親祭時亞獻官以下施賞有差執禮副司果金建銖大祝
副司果俞鎮五禮房承旨姜潛并加資○甲子○乙丑○丙寅○丁卯○戊辰
○己巳以李魯秉為司憲府大司憲任百秀為司諫院大司諫○給遂安郡燒
戶恤典○庚午○辛未○壬申○癸酉○甲戌上御春塘臺行總衛營將官將
校別試射○三月乙亥○丙子○丁丑○戊寅設三日製于泮宮賦居首鄭健
朝之次金在清並直赴殿試○己卯召見入格儒生于誠正閣○庚辰○辛巳
孝昌墓曲牆內外失火遣禮堂奉審○壬午上詣仁政殿月臺行太室追上尊
號冊寶親上後親祭誓戒○癸未以李敦榮為司憲府大司憲金逸淵為司諫
院大司諫李顯稷為全羅道兵馬節度使白能洙為慶尚左道水軍節度使○
應教沈宜冕疏略曰臣嘗聞之人君之大業即惟曰學問而已比年以來隻日

之講久停三晝之接絕罕雖以殿下生知之姿真積之工不有虧於九仞之貴乎且今進鴻號於玉冊供燕喜於瑤觴聖孝彌隆緝儀誕舉以至物采之微工伶之賤靡不盡誠所準者舊例也所肄者法部也情之所安禮亦當行然女樂終近於聲色常情易至於流佚以大聖人卓越之智固無待乎加勉而臣愚過計之憂不能不憧憧昔益之告大舜曰罔淫于樂周公之誡成王曰無淫于逸今日臣庶所仰望於殿下者又豈後於大舜成王哉雖於法宴臨視之地常存平日漸微之戒則尤有光於聖德而是亦學問中一事也批曰講學陳勉出於悃悃有懷無隱極用嘉尚而當此罕有之慶年進冊稱觴少伸予小子祝罔之忱凡係儀文雖微細之節悉遵列聖朝已行之例必欲盡誠而已苟或有逸豫之慮則反非所以致孝之道予豈不知此個義諦乎爾言如此當又加勉矣○甲申○乙酉○丙戌○丁亥○戊子上奉純宗大王翼宗大王追上尊號冊寶詣太廟○己丑仍行享禮親上册寶○庚寅上詣仁政殿加上大王大妃殿王大妃殿尊號還詣通明殿親上致詞箋文表裏御仁政殿頒教受賀赦○辛卯行進饌禮于通明殿○壬辰○癸巳上御通明殿行會酌禮○甲午○乙未追上尊號時各差備官親祭時亞獻官以下施賞有差大祝應教沈宜冕副司果

俞致崇讀王冊官行護軍金景善同知李啓朝讀金寶官行護軍姜時永洪鍾英並加資○上說都監都提調以下施賞有差提調工曹判書朴永元兵曹判書徐左輔戶曹判書趙斗淳都廳司僕正金炳箕副司果鄭翊朝大王大妃殿王冊文製述官禮曹判書金興根王寶篆文書寫官水原留守金左根樂章文製述官左叅贊李若愚王大妃殿王冊文製述官工曹判書朴永元並加資○進饌所堂郎以下司饗院都提調以下梨園尚方提調以下施賞有差進饌堂上禮曹判書金興根吏曹叅判金鼎集開城留守趙秉駿黃海監司尹定鉉行都承旨尹致秀郎廳副應教尹致英並加資仍教曰副司果李奎憲以己丑進饌所郎廳又叅今番慶禮事甚稀貴亦切愴懷不可無別般示意工曹叅議除授○陳賀時各差備官以下施賞有差左通禮吳致淳右通禮權蘓宣教官副司果趙熙哲並加資○教曰太室追上冊寶時禮房承旨李昂在對舉承旨尹致秀並加資教曰加上冊寶時禮房承旨趙得林對舉承旨徐戴淳並加資○丙申以洪祐詰為吏曹叅議金學性為工曹判書姜時永為漢城府判尹○丁酉召見回還三使臣于誠正閣○戊戌教曰泮宮修繕之費雖有廟堂措劃多士藏修之所宜有優異之舉特下錢三千緡以補工役○己亥行藥院入診于

誠正閣○庚子設春到記于仁政殿講居首趙在衡製述表居首尹定善並直
赴殿試○以趙冀永為吏曹判書○辛丑上詣景慕宮展謁仍詣景祐宮展拜
春謁也○召見入格儒生于誠正閣○壬寅○癸卯○四月甲辰○乙巳上詣
仁政殿親傳宗廟夏享香祝○以李定鉉為平安道兵馬節度使○以李奎翊
為司諫院大司諫李行教為咸鏡南道兵馬節度使○給義州府燒戶恤典○
丙午給黃州牧燒戶恤典○丁未○戊申○己酉召見黃海監司尹定鉉于誠
正閣辭陞也○庚戌○辛亥○壬子上詣永禧殿展謁儲慶宮展拜仍詣徽定
殿行禮○癸丑以任泰錫為忠清道水軍節度使○慶尚監司金公鉉以馬島
奉行倭抵館守書及異船船樣人形圖本啓○甲寅○乙卯以趙斗淳為平安
道觀察使徐憲淳為戶曹判書○丙辰上詣毓祥宮延祐宮宣禧宮展拜判府
事鄭元容奏曰各朝寶鑑編首書以元年而至於翼宗寶鑑則始自丁亥而編
年之際當以純宗二十七年丁亥書之恐合事體矣上曰依此書之可也而其
下有小註乎元容曰以純宗幾年立年而其下書以王以王世子行聽政云云
則不必更有小註矣又曰列聖寶鑑分編編首皆書廟號其下又加朝字而翼
宗寶鑑編首則翼宗下似當以代理二字書之矣領議政權敦仁曰朝字是臨

朝之稱也以代理書之恐宜矣上曰然矣諸大臣議論何如元容曰已有臣等之相議而諸議皆如此矣上曰依此為之可也○丁巳以吳明善為忠清道水軍節度使○戊午上御誠正閣召見大臣備局堂上領議政權敦仁啓言臣以目下事端而有區區仰勉者今日國勢不可但以皮業言馬島告示之文帖安知其必然而亦安知其必不然乎中外人心之波盪全涌莫可底定臣等謀國不忠馴致於此先自賤臣當伏債誤之誅而臣愚死罪竊以為在殿下特轉移間事耳古人曰安民慮患莫如修德今殿下講讀之停閣已幾年矣雖堯舜之聖必藉於衆知故君臣一堂曰都曰俞精一之學風動之治皆在於是今殿下之召接臣隣若是其絕罕矣顧今當務之急固何限而未有急於此數者矣○以李寅熙為慶尚左道水軍節度使○己未○庚申○辛酉○壬戌○癸亥○甲子○乙丑○丙寅○丁卯○戊辰○己巳○庚午○辛未○壬申○五月癸酉上詣仁政殿月臺親傳景慕宮夏享香祝○甲戌增廣監試覆試一所柳圭鎮二所李在顯居首○乙亥○丙子東八陵補土堂上以下施賞有差○丁丑○戊寅○己卯○庚辰○辛巳命秋曹囚朴禧英減死為奴于楸子島禧英象譯流也鴉片烟取器具被捉於灣府而用律無可據有是命○壬午上詣北

苑行望拜禮○癸未○甲申○乙酉○丙戌○丁亥○戊子上御春塘臺行日
次儒生應製箋居首金學初之次徐相昂並直赴殿試○己丑召見入格儒生
于誠正閣○庚寅親受生進謝恩于熙政堂○辛卯○壬辰以朴永元為禮曹
判書○癸巳○甲午召見平安監司趙斗淳于誠正閣辭陞也○給黃州牧燒
戶恤典○乙未○丙申宥島配罪人睦台錫安置罪人金鏞等○丁酉○戊戌
慶科增廣文科覆試取李宜翼等三十三人○己亥○庚子以趙鶴年為司憲
府大司憲朴來萬為司諫院大司諫○命祈雨祭不卜日設行○辛丑召對于
重熙堂講綱目○壬寅設慶科增廣文武殿試于春塘臺文取閔泳緯等四十
三人武取許鏐等四百八十人○給沃川郡燒戶恤典○六月癸卯○甲辰以
徐箕淳為禮曹判書○召對于重熙堂○乙巳○丙午○丁未召對于重熙堂
○戊申○己酉○庚戌○辛亥○壬子上御仁政殿行增廣文武科放榜○中
批以宋近洙為弘文館副修撰李漢永為司諫院正言近洙文正公時烈孫漢
永文成公珥祀孫也○癸丑親受新恩謝恩于重熙堂○甲寅兩○乙卯○丙
辰○丁巳○戊午○己未命載寧郡弑父罪人尹可玄追施暴屍之律因秋曹
覆啓問議大臣而有是命○庚申上詣真殿行茶禮○辛酉○壬戌○癸亥以

洪在詰為司憲府大司憲金英根為司諫院大司諫○甲子○乙丑○丙寅○
丁卯都政下批以韓文焯為司諫院大司諫申錫愚為成均館大司成金大根
為司憲府大司憲○戊辰召見守令邊將初仕人于誠正閣○己巳以金箕晚
為司憲府大司憲李敦榮為刑曹判書金興根為慶高道觀察使○庚午○辛
未○七月壬申○癸酉○甲戌以李魯乘為司憲府大司憲徐相教為司諫院
大司諫金箕晚為京畿觀察使○乙亥領議政權敦仁四疏乞解相職賜批許
副○教曰鼎席不可暫曠判府事鄭元容金道喜拜領左相○丙子以趙鶴年
為吏曹判書趙冀永為兵曹判書○丁丑以李宜植為京畿水軍節度使兼三
道統禦使喬桐府使○戊寅○己卯○庚辰○辛巳以李埈為成均館大司成
○壬午○癸未○甲申以尹致秀為吏曹叅判○乙酉○丙戌掌令宋廷和疏
略曰今春北道監試亂場之舉不可但以世變言傳說喧藉遠近駭惑道臣宜
有啓聞以法嚴處而急於固位私自掩匿彼遐陬頑俗何以知朝廷之尊乎方
其設場之日何許恃流無端作挈持杖發喊直入試所而以方伯之重居主試
之地始不能先事操飭又不能臨時禁戢乃反徒跣而出脫身而走其顛倒昌
披不可使聞於隣國辱君命而羞當世孰大於此而晏然無故復行刺史之事

一路士民將何所懲畏而厭服乎臣謂咸鏡監司李嘉愚施以刑削之典亂類首唱諸漢更令嚴覈亟施極律斷不可已也批曰北伯事聞極驚駭刑削之請依施作挈諸漢不可尋常處之令廟堂稟處爾其勿辭察職○丁亥上御誠正閣引見大臣備局堂上上曰北伯今有窠矣方伯擇任常所當慎而北關尤重且當異船往來之時此時此任不可不另擇矣領議政鄭元容曰聖教及此臣不勝感激殿下以愛民之心有此慎擇方伯之教昔宋主之言曰以吾祖宗愛育生養之民付之庸官汙吏誠可痛哭古賢主之存心於愛民有如此者矣惟我英廟正廟難慎於是任每臨筵席屢加詢採誠以治民之責專在於是職也伏願常留聖念焉元容陳勉聖學批曰厭學怠政四字儘是切中之言光陰如流德業未就云者誠覺瞿然陳勉之語若是眷眷可不服膺乎左議政金道喜陳勉聖學批曰首揆俄以講學陳勉而卿又如斯眷眷引論諸書尤為切要予豈不佩服乎○以朴永元為咸鏡道觀察使○戊子以徐左輔為漢城府判尹○大司諫徐相教疏略曰臣嘗聞之見無禮於君如鷹鷂之逐鳥雀乃臣分也臣請一言以效之竊惟我殿下以金輿根為何如人也以若處地以若思遇末光常依於日月隆渥殆深於河海感激圖報宜倍餘人而奈其賦性慘刻行已

閃巧權要外示不屑而內實貪戀世務陽若無干而陰自綢繆欲擠陷異己則工於遮眼欲吹噓所好則習於假手出入殿陛少無敬畏之心伺察官闈顯有締結之跡溫室之樹無所不言屈軼之草必指此人宜殿下斥逐之不暇而乃反寵之以崇秩委之以重藩豈不有欠於明好惡嚴淑慝之政乎臣謂慶尚監司金興根亟施投畀之典以為為人臣辜恩負國者之戒宜矣批曰此重臣寧有是也此果公議乎爾其勿辭察職○己丑○庚寅○辛卯○壬辰以徐箕淳為司憲府大司憲權大肯為司諫院大司諫○癸巳以李若愚為禮曹判書李圭澈為京畿水軍節度使兼三道統禦使喬桐府使成遂默為議政府左叅贊鄭宅善為慶尚右道兵馬節度使○甲午教曰以其家世篤之勲勞邇來眷遇之隆重苟無所失人言奚為至哉以此人得此言尤不得不責備慶尚監司金興根施以刊削之典○教曰朝家之設置臺閣豈有課日違召而止乎日前諫疏子既付之公議則三司宜有可否而一向寥寥此果顧瞻乎侮弄乎君綱臣分掃地無餘大司憲徐箕淳大司諫權大肯並姑施譴削之典○乙未以閔致成為司憲府大司憲李孝淳為司諫院大司諫金學性為奎章閣提學金大根為慶尚道觀察使○教曰子非必欲使此輩論目下事臺體朝綱不容乃爾既

有昨日處分則宜其警畏而今又肆然違牌或止自列此果效死乎立節乎壞
茂臣分眼無君父至此之極寧欲無言寧欲無言掌令李濟達持平林翰洙正
言金昌秀並湖沿投畀○丙申設居齋儒生應製于泮宮○執義朴敦默掌令
李承輔正言金應夏聯劄請金興根竄配批曰爾等今始知之乎此人以處地
之崇顯眷毗之隆重至於此境實朝著之不幸日昨處分亦出於期待之厚責
備之切則刊削非輕律而終始全保又予苦心也雖爾等交章迭發決無撓奪
之理但念重臺閣所以尊朝廷伸公議所以待世臣特依所請金興根施以光
陽縣投畀之典如是曲循洞諭之後又或不知予本意稱以言事有紛聒置訛
之習則象魏在彼爾等慎之○丁酉○戊戌○己亥○庚子上展拜于太廟秋
謁也○辛丑○八月壬寅○癸卯上詣仁政殿月臺親傳景慕宮秋享香祝○
竄趙雲卿于定州牧以聲討金興根始發中沮為臺臣金應夏論劾也○甲辰
○乙巳○丙午上御誠正閣引見大臣備局堂上○以南秉哲為吏曹參議姜
時永為刑曹判書許榮為左邊捕盜大將趙存中為右邊捕盜大將○丁未上
詣仁政殿月臺親傳社稷秋享香祝○戊申以李魯秉為司憲府大司憲李宗
秉為司諫院大司諫○己酉○庚戌上詣真殿行茶禮○辛亥○壬子設七夕

製于仁政殿○癸丑以趙然興為奎章閣直閣金輔鉉為待教○甲寅給鳳山
等邑漂類戶恤典○乙卯○丙辰設翰林召試于仁政殿尹定善徐翼輔尹滋
惠南秉吉被選○丁巳○戊午召見慶尚監司金大根于誠正閣辭陞也○已
未○庚申召見咸鏡監司朴永元于誠正閣辭陞也上曰近日異船去來無常
而固知卿善為措處故有此委任亦須各別對揚可也異船去來後連見狀啓
則言語文字不得相通問情之節未能備詳此豈不可悶乎永元曰異船誠極
可悶永興城津吉州等處所過之船合為三隻云而亦未知更有幾隻此亦專
由於言語文字之不能相通也雖以守令鎮將言之言語文字既不得相通則
今以問情之踈虞恐不可一一論責此亦悶然矣上曰然矣永元曰昨年古羣
山來泊之時以狀請給糧至有多日逗遛之患若於此地又有是事則近千里
之地運待狀聞回下延拖時日恐致挑怒此則便宜先給追後狀聞恐好矣上
曰然矣近千里之地何待狀聞回下而且無論某國人以乏糧而請給則豈可
不施乎○辛酉教曰科獎申飭前後何如而去益雜亂寧欲無言為士子者苟
知朝令之嚴畏則豈敢多率無賴闖入爭奪一切違法犯科之事無所忌憚乎
入此場應此舉者俱是世祿之裔也為父兄者亦當惕然警悔俾俊舊習今番

則自廟堂各別提飭至於試事之公不公有司則存抑躁競禁滯雜是誰之責乎事過之後自有入聞場內場外另加操束之意一體嚴飭○壬戌○癸亥○甲子○乙丑○丙寅○丁卯○戊辰○己巳○庚午○九月辛未日有食之食在地下○壬申○癸酉○甲戌上展拜于綏陵行酌獻禮○乙亥○丙子中批以金學性為戶曹判書○教曰仙寢祗謁愴慕采新而局內植木幾至茂密曷勝喜幸前後監董道臣將臣勞動最多之人不可無別般示意之舉前京畿監司李鼎臣刑曹判書除授訓鍊大將李應植工曹判書除授○丁丑綏陵親祭時亞獻官以下施賞有差執禮副司果李寅爽大祝副司果金萬根並加資又教曰親祭時禮房承旨韓正教加資○以鄭基世為成均館大司成○戊寅召對于誠正閣○己卯上御春塘臺行九日製○庚辰上御誠正閣引見大臣備局堂上及入格儒生領議政鄭元容陳勉繼述批曰寶鑑續成將行親上豈勝慶幸卿之所陳甚好予雖不逮予當以繼述為心卿當以承弼為責上下交勉偕底大道深所望也命文臣製講人加抄以入自來月二次試取擢趙冀永李若愚為從一品元容啓言保民之責在於牧民之官我朝有善治善賑加資之典矣近年屢有守令別薦之朝令而及其收用也不過殘弊邑而已無一表獎

之舉則將何以勸之哉昨年又有前後薦合抄以入之特教宸念勤摯衆望尤異臣意則多薦中前牧使鄭晚教羅州牧使尹致膺長興府使金箕哲副司果崔璜並特為陞資內而佐貳外而藩宣無礙試用其餘前啣人鄭文升趙台淳李時敏韓珽並內外職中隨窠甄用以示朝家重民牧明黜陟之政為好矣徒之○辛巳○壬午以徐相玉為御營大將○癸未○甲申○乙酉○丙戌○丁亥○戊子○己丑○庚寅○辛卯○壬辰上詣真殿行茶禮○癸巳○甲午○乙未○丙申○丁酉○戊戌○己亥上詣仁政殿月臺行太廟冬享誓戒○庚子○十月辛丑○壬寅○癸卯上御仁政殿親受三朝寶鑑仍詣攜文院齋宿○甲辰○乙巳雨而雷○三朝寶鑑奉詣太廟○教曰當此收藏之節有何轟燁之異乎天之降災必有以也靜言思之咎在寡躬自今日避正殿撤樂減膳三日凡我大僚三司及在野之臣咸言得失毋有所諱○兩不克親裸遂還宮

○丙午親上三朝寶鑑于太廟正宗朝寶鑑張別編一百七十八張純宗朝寶鑑編五

別編五十張翼宗朝寶鑑張別編三十七張○領議政鄭元容左議政金道喜聯劄陳

勉仍乞退賜批○丁未○戊申寶鑑親上後御仁政殿行頒教受賀赦○放罪

人李承圭等○己酉寶鑑親上時承旨閣臣以下施賞有差禮房承旨李啓朝

加資○命今年潦水拯活人賞典令該曹稟處○庚戌上御重熙堂引見大臣
備局堂上領議政鄭元容六條陳勉批曰寶鑑親上聖謨丕揚豈不慶幸文謨
武烈無非予小子監法之事而今卿六條所陳俱為切至寧不銘念乎元容啓
言平安監司趙斗淳狀啓平壤府流亡還中六萬石請姑以未捧懸錄批曰西
民之弊至於此極則公穀有何惜乎不必以未捧懸錄特為蠲蕩以示朝家愛
恤西民之意而來後防弊之道令廟堂措辭嚴飭又啓言京畿監司金箕晚狀
啓請積城縣公私逋中指徵無處之最久條折米一千二百石特許蠲蕩其餘
七千石自今年隨力隨捧而耗條限五年特停從之飭各陵假官替直之弊左
議政金道喜陳勉立志批曰立志二字甚好當銘念矣○三朝寶鑑親上太廟
奉書進書時及纂輯總裁大臣以下施賞有差纂輯堂上判敦寧金蘭淳禮曹
判書朴永元水原留守李若愚清寧君金東健廣州留守趙斗淳大護軍徐箕
淳都廳郎廳校理趙然昌校正郎廳司成朴承輝副校理沈承澤監印堂上工
曹叅判金鼎集護軍尹致秀並加資○以鄭夏應為全羅左道水軍節度使○
辛亥以尹滋惠為奎章閣待教○壬子以洪鍾應為吏曹叅判○癸丑○甲寅
○乙卯○丙辰雨而雷○教曰昨日昨夜又有雷異矣上天之示警於小子何

其至也十日之間丁寧諄復不啻若耳提面命不穀茫昧雖未知譴告之在何
事而天豈遠人灾不虐生反顧循省惟有憂懼責躬舊例不可以應文而廢之
自今日減膳三日以伸敬畏萬一之忱子則雖以貶躬之義特減常膳至於大
臣引義之劄本是過當則續續為之反歸屑越大抵致灾皆由于子否德何有於
大臣今番則須各安心事遣史官傳諭○領議政鄭元容左議政金道喜聯劄
陳勉仍乞退賜批○丁巳○戊午○己未○庚申○辛酉○壬戌召見三使臣

于誠正閣

宋至正使姜時永副使宋持養書狀官尹哲求

辭陞也上曰近來參獎萬不成說矣前此每

每申飭而實無其效今番則各別申飭可也書狀則職是行臺而上副使亦為
各別申飭也○癸亥○甲子召對于誠正閣○遣承旨李啓朝宣醞于北營寶
鑑洗草所先是英廟寶鑑舊件權安於藝文館是日奉詣北營與新印草件同
為洗草○乙丑上御春塘臺行秋到記仍受寶鑑洗草時參醞諸臣謝箋講居
首金永秀表居首沈宜聞並直赴殿試上曰昨日上疏入來之說聞之乎領議
政鄭元容曰聞之矣上命中官下疏本曰疏辭果何如乎元容曰勉聖學崇節
儉宥罪人三件事矣上曰雖是應旨之疏如是遣辭者豈有如許道理乎元容
曰今雖暫見句語中果多有荒雜無倫處誠甚駭惋矣上曰滿篇遣辭都是覲

覲朝廷嘗試君父之計矣寧有如許臣分乎元容曰渠以遐鄉微賤之踪名以應旨陳疏而向既有在野之臣咸言得失無有所諱之教今若有此嚴教則雖鄉曲愚氓不知這間事實之如何但謂之以言獲罪矣然則渠之所犯反為小而殿下包容之德所損為大矣如此之類歸之無足責即為賜批而雖不賜批還下疏本則自有公議矣上曰大臣之議即是公議也外此而又有何公議乎元容曰非但臣之言也又有三司諸臣之公議矣判府事朴晦壽曰句語中荒雜者雖多而渠以遐土賤品既應旨陳疏矣領相所奏誠然矣上曰渠以遐鄉賤類何可獨辦此疏乎元容曰臣雖未能詳知而決非京華人所作矣疏辭之荒率即不過渠之狂妄而有何傷於國家乎上曰卿於此等事謂以無傷苟如是國何以為國乎大臣事誠甚慨然矣元容曰吏曹正郎柳宜貞上疏遣辭措語荒雜駭悖旨意難測極為驚惋不可以應旨而置之此當有公議聖教截嚴為先施以刊削之典何如上曰如此善為之疏何為罪之乎子則入去矣今日朝廷事誠甚慨然如是将何以為國乎○命吏曹正郎柳宜貞上疏領布疏曰伏以寶鑑追成宸孝益光歡協之氣洋溢升聞宜致庶徵之休而胡為轟轟之異又發於此月此時也竊嘗聞雷者解散和盪之使也適會閉藏之節而

疊見此異固已懍懍而况於太廟奏假之日加以燁燁仍之風雨竟使回鑿情未畢伸安敢知祖宗陟降之靈在帝左右有以誘衷而竦動之耶十行辭教惕厲修省求言則無有所諱引咎則愈慎厥終凡百有位孰不欽歎盡言仰副聖念之萬一而如臣微眇亦嘗三司之一也冒萬死敢進狂瞽之說伏願殿下恕其僭而察其愚夫人主以一身承天地下統億兆其治亂離合之機不過心而已故即吾之心以求合人之心即人之心以求合天之心竊以為今日之人心積有希望不得副者何限而當先者一也積有冤恨不得解者固多而尤要者一也積有抑鬱不得伸者亦衆而最急者一也何謂不副所望聖學是已前日諸臣今日應旨皆名言在茲聖批賜答一示以留念然則言之盡矣惟有行之一事而何為而久不行也夫以孔顏之聖資之好學而無大過矣不貳過也殿下以孔顏之聖亦資以好學則自底無過矣臣請汲汲開講念典終始用以副舉國人心之望焉何謂不解冤結癩瘼是已顧今百弊層痼下民受毒敲育疾首之聲破家失所之狀殿下必不得以見聞矣間有體國之臣說弊甚詳革弊甚力而乍祛旋集如麻復生將不勝其更則遂付無奈斂手却立國事至此寧不灑賈生之淚乎凡今之弊源生於財盡人窮財盡之本都由於奢侈夫一

人之身百工備焉以有限之財充不貲之用則天下不足不足則窮窮則濫濫則不得已惟事剝割清白掃地貪墨成風以此之俗安望有為也臣請深究其所以然者禁奢侈昭儉德自聖躬始為羣下倡定制立令宜漸不宜急如大易屯之膏小貞吉大貞凶之戒而持循積久則草偃影從幾何而將見財足人厚有恒多賴之風矣何謂不伸抑鬱竄配臣金興根事是已臣素昧其人而蓋觀投畀以來舉國公議嗟惜涕鬱咸曰與國休戚者去矣為國柱石者去矣未知此臣何以得此於一國也雖然其平日負犯實有言者之云而聖教若曰責備大哉王言放流之中而並寓見待之至意此謂匪怒伊教匪譴伊榮而想其心悔悟感激百倍餘人則到今罰已行而月過三矣乃天道小變之節而又值大同之慶亦宜有以見待也輿情輿論苟曰不然欺天誣人臣罪極矣斷臣之頭竿之都市以謝天人實應天除災之一政也如係非誣益恢天地之量廓然開釋赴此如渴之際遽降特赦之典則一令才出八方蹈舞遐仰聖德之仁勇光明而伸偃起躄不足為喻也臣之此言為國人非為金興根也顧遷稽至此者庶望曠蕩之典不待臣言而側聽多日尚有未焉則愚衷徒激抑按不得觸冒叫呼以導達下情於九重之邃而已餘不暇計也○教曰予於領相事不勝慨

然矣子非不知應旨言事之為不可罪也又豈不知以言獲罪之為不美也以其疏辭之挾雜嘗試有所諮詢矣大臣曰雖覬覦朝廷嘗試君父稱以言事則無傷古今天下寧有是理也古人云堯曰宥之三臯陶曰殺之三今日之事反於是置子體面於何如地也其在事體不可以大官曲恕領議政鄭元容施以麗職之典○政院議啓請柳宜貞明正典刑賜批○王堂聯劄請柳宜貞夫正典刑賜批○兩司聯劄請柳宜貞亟施竄配之典賜批○丙寅兩司聯劄請柳宜貞令王府設鞫嚴覈批以公議既如是則實難終遏柳宜貞令王府拿鞫嚴覈○丁卯朝講于誠正閣○命李穆淵李承憲具格拿來○命罪人柳宜貞嚴刑捧招○戊辰上御春塘臺行慶科庭試文武科殿試文取李仁東等三人武取李熙台等二百十八人○己巳○庚午○十一月辛未以李啓朝為工曹判書○壬申○癸酉上詣仁政殿月臺親傳景慕宮冬享香祝○甲戌○乙亥配柳宜貞于慶興府○丙子上御仁政殿行庭試文武科放榜○丁丑上御重熙堂受文武新恩謝恩○戊寅京外儒生李鎮宅等八千上疏請庶統疏通批曰此豈徒為爾等之寬辯而已實有欠於王者立賢無方之義况有列聖朝前後聖諭又如是勤至者乎疏辭令廟堂從長稟處○己卯○庚辰上御內兵曹

親鞫李穆淵委官權敦仁曰罪人問目當以渠昨年疏本及臺啓措語參互為之乎上曰其時臺啓則全不成樣以其疏中句語發問而其疏中擴而遠之之句事係先王矣其時曷嘗有擴遠之事而渠有何所見如是說去乎以先王時所無之事渠敢如是為說者豈不萬萬無嚴且其基間二字此何說也關係甚重極為叵測以此兩條為先發問可也○辛巳上御內兵曹親鞫李承憲上曰罪人發惡極為痛惋矣委官權敦仁曰罪人之抵賴極為痛惡矣左議政金道喜曰極為駭惋矣判府事朴晦壽曰其所抵賴尤極狡惡矣上曰親鞫事體何等嚴重而如是歇杖杖出訊畫之外判堂何不嚴飭乎上曰正廟時亦有朴在源徐鼎修而何嘗有如此遣辭乎渠疏之上段二字敢以慈教所無之句語肆然萌諸心而筆諸書者其為慘毒絕悖更無可論而至若朝臣分上云云者尤可見用意之陰險叵測其必欲網打朝紳豈不駭惋乎敦仁曰聖教至當矣正廟時兩臣之疏則即是陳勉之意矣上曰肅廟朝李玄逸以書出上教中語四字而猶不免後世逆名况此二字則慈教所無之語為人臣者豈敢筆之於書乎且朝廷有何一毫未盡之端而必欲網打者抑何心乎渠所謂異日國史書之云者歸一世於叵測之科何其陰險乎大抵以其疏起頭語看之疎逖之臣

人主不識何狀云者都是不平之意而至於望字下一字何忍書之乎此罪人每欲一問故今有親問之舉而此後則當任之於卿等矣敦仁曰豈可屢次親問乎臣等謹當按而覈之矣○壬午○癸未給萬頃等邑漂頹戶恤典○甲申○乙酉教曰觀此李穆淵前後供辭其誕妄不審之狀渠既自知則可謂道極厥辜矣其在利用刑人之義有深量者存罪人李穆淵特施茂朱府竄配之典○丙戌○丁亥○戊子以洪說謨為吏曹叅議李啓朝為禮曹判書趙得林為忠清道觀察使金鼎集為工曹判書○己丑設推鞠于本府○庚寅○辛卯○壬辰教曰李承憲絕悖之言網打之計即此已可不蔽至若而鞠而訊情節之終不直招尤極狡惡固當到底窮覈明正典憲而張大之舉不欲掩至多日姑從寬大之典特貸一縷鞫廳罪人李承憲旌義縣咸死圍籬安置○癸巳○甲午○乙未○丙申○丁酉召見時原任大臣禮堂于誠正閣教曰明年即我東朝寶齡周甲望七之慶年也予小子愛日之誠難老之祝容有其極宜舉大飾慶之禮以伸喜懼之忱故自內屢為仰請則以儀節張大不欲連舉於頻年終靳勉從之音情私之缺然雖切而承順撝謙之慈心允合養志之道當於月正元日親上致詞箋文表裏矣告布之節令儀曹磨鍊以入○戊戌○己亥○庚

子以李敦榮為漢城府判尹○給牙山等邑額戶恤典○十二月辛丑○壬寅
○癸卯○甲辰上御誠正閣引見大臣備局堂上命南行宣薦更以十人定式
○乙巳○丙午以閔致成為司憲府大司憲李祖榮為司諫院大司諫○教曰
李穆淵趙秉鉉金正喜放○丁未○戊申○已酉○庚戌以徐左輔為司憲府
大司憲金英根為司諫院大司諫○辛亥○壬子○癸丑○甲寅○乙卯○丙
辰○丁巳給衣薄軍兵及流丐恤典○戊午上詣仁政殿月臺親傳社稷宗廟
永禧殿景慕宮臘享香祝○以趙秉駿為吏曹叅判○己未○庚申璿源譜略
跋文製述官以下施賞有差○辛酉○壬戌都政下批以李若愚為工曹判書
趙秉夔為成均館大司成洪在詰為司憲府大司憲金基周為司諫院大司諫
○癸亥召見守令邊將初任人于誠正閣○甲子○乙丑給義州咸興等邑燒
戶恤典○丙寅上御春塘臺行柑製表居首李建弼直赴殿試○丁卯○戊辰
以李魯秉為司憲府大司憲李玄緒為司諫院大司諫○己巳是歲夏秋以來
異樣船出沒隱現於慶尚全羅黃海江原咸鏡五道大洋中或漫瀾無以蹤跡
之或下陸汲水或叉鯨為糧殆無以計其數也○京兆獻民數五部及八道都
元戶一百十一萬八千九百十一戶人口男六百二萬八千六百八十八口女

六百六十一萬四千七百五十四口

憲宗經文緯武明仁哲孝大王實錄卷之十五

憲宗經文緯武明仁哲孝大王實錄卷之十六

十五年清道光十九年正月庚午大王大妃寶齡望七上詣仁政殿親上致詞箋文

表秉仍陳賀頒教赦○辛未以南秉哲為全羅道觀察使○壬申親上表裏陳

賀時各差備官施賞有差宣教官李裕膺禮房承旨南性教對舉承旨洪鍾應

並加資○癸酉○甲戌○乙亥○丙子○丁丑○戊寅○己卯上御誠正閣行

藥院入診引見大臣備局堂上左議政金道喜以勤學節用陳勉批以所陳甚

好矣時習節用尤為切實於目今豈不銘念○命先正臣宋時烈祀孫守令差

擬○利川前府使金詰淳欠逋八千餘石特蕩并從左議政金道喜所奏也○

命統營閑山島設鎮因左議政金道喜覆奏統營啓本許施○給聞慶縣燒戶

恤典○庚辰未時太白見於已地○以李彘發為刑曹判書○辛巳○壬午○

癸未○甲申京各司各營進戊申會計簿戶曹納縣惠驛兵曹總營訓局營

子二十萬八千六百八十九兩三錢九分九釐文六十四萬八千八百八十五兩八分

綿袖九十四同三十三尺二十七尺木四十九千四百七十三同四十八尺三寸八分

一萬五千四百三十八尺二寸零太一萬一千九百八十八尺三寸八分

米一萬二千七百八十三石四斗一萬一千九百八十八石三寸八分
令該曹備擬差出○丙戌以李應植為總衛使任聖臯為訓練大將申觀浩為

禁衛大將○以康熙華為崇祿大夫進士回榜也○丁亥○戊子○己丑○庚寅○辛卯○壬辰○癸巳以李若愚為吏曹判書○甲午○乙未○丙申○丁酉○徵慶園齋室火○戊戌○己亥○二月庚子日有食之○辛丑中批以尹定鉉為兵曹判書○壬寅○癸卯○甲辰以金英根為吏曹參議洪說謨為成均館大司成徐戴淳為黃海道觀察使○乙巳○丙午○丁未○戊申○己酉○庚戌○辛亥○壬子○癸丑○甲寅月有食之○乙卯○丙辰○丁巳○戊午○己未以李昂臣為工曹判書○庚申教曰科場之弊古或有之然古之科弊惟在於考試之難明程式之不工也今之科弊又有在於考試程式之外者物色而取之書札而圖之許多茂法營私之習茶飯行之甚至以莫重之國試便作龍斷之私貨是以每經大小之科輒失中外之望泯泯琴琴駭聽四方若此不已國何以為國乎一言以蔽之曰為公為私惟在於掌試者則為其任者苟能一心持公明白對揚雖百岐幻弄千徑鑽刺所謂關節馬得到於包老也大抵士趨之不正則試官之不秉公而然也試官之不秉公則謂子一人可以欺蔽無所畏忌而然也思之及此寧欲無言見今生進履試只隔數日姑未知畢竟試取之如何而如是別諭之後視同尋常不思警惕則是不可以人理臣分

而責者國網雖曰掃地太阿不在此手乎若於事過之後有毫末涉私之入聞者律以作奸科場之外加施不信王言之罪而雖以士子言之皆是公卿自期之人也其若發身之初已犯罔上之科他日事君將何以藉手乎為其父兄者亦不敢曰在家不知此則隨其現發斷當以加倍之律罪其家長矣須各知悉惕念舉行廟堂別般申飭○辛酉○壬戌○癸亥教曰日昨飭諭罄悉無蘊固當任其所為以觀動靜而事過後責其愆誤不如先事董飭之可望敦益故又有此申複之諭今番試取量宜舉行事自政院輪示此傳教於一二所諸試官○甲子○乙丑○丙寅○丁卯○戊辰監試覆試一所李淵愚二所宋約老居首○三月己巳○庚午○辛未○壬申○癸酉命李紀淵李鶴秀並放○甲戌時原任大臣聯劄請亟寢李紀淵李鶴秀放送之命批曰今此處分豈徒子意實有承聆於慈教者卿等諒之○命李止淵罪名爰周○乙亥○丙子命冒參覆試人吳潤和拔去榜目嚴查勘處○丁丑○戊寅○己卯以李圭徹為咸鏡北道兵馬水軍節度使○以李景在為刑曹判書趙冀永為漢城府判尹李膺緒為黃海道兵馬節度使金相宇為京畿水軍節度使兼三道統禦使喬桐府使○庚辰○辛巳○壬午○癸未上御誠正閣引見大臣備局堂上左議政金

道喜啓請察民瘼擇守令及異操船候望措辭嚴飭批曰上款所陳甚好當留
念而下款所陳亦好各別嚴飭命掘塚徒流罪人待三年限滿解放許施濟州
牧場稅米減糶水稅錢買土及陞補合設武科直報之請○甲申○乙酉○丙
戌○丁亥○戊子○己丑○庚寅○辛卯太白滅○壬辰○癸巳○甲午○乙
未召見回還冬至三使臣于重熙堂○丙申○丁酉以金英淳為司憲府大司
憲林永洙為司諫院大司諫○戊戌○四月己亥○庚子○辛丑○壬寅設武
年文科會試取吳慶履等三十三人○癸卯○甲辰○乙巳○丙午設式年文
武科殿試于春塘臺文取李亮信等三十六人武取白聖洙等七十六人○丁
未以李魯秉為司憲府大司憲○戊申行藥院入診于重熙堂都提調權敦仁
曰臣於正月初一日仁政殿承使後今始登筵仰瞻天顏則玉色瘦敗色澤燥
澁下情不勝憧憧矣近日則寢睡之節何如上曰今番所苦始以滯氣為祟別
無他証近日以來滯氣頗減而寢睡亦稍勝矣敦仁曰近日中外輿情莫察上
侯之漸復尚此焦遑憫迫云輿情似然矣上曰未能詳知容或無恠矣敦仁曰
近日調理之劑自內進御故外間莫知進御是何方而憂慮不少以藥房事體
言之是豈成說乎此後則煎入製入皆出榻教則事體當然矣與醫快釋矣上

曰然矣湯劑當出榻教矣敦仁曰藥房入侍異於他入侍自前有卧内便服為之例今日東風乖宜何為移次乎王體勞動則脉使亦不安靜有妨於詳察脉度上曰然矣○己酉行藥院入診于迎春軒教曰進御加味異功散一貼煎入○給北青府滄戶恤典○庚戌行藥院入診于迎春軒○辛亥行藥院入診于迎春軒權敦仁曰湯劑法意慎重何如而多有自内煎進之時何等尊重之地事之踈虞莫此為甚設置藥院及提調將焉用哉伏願繼自今每於日次亟許入診湯劑必自藥院煎入豈不有勝於自内煎進乎上曰果好矣此後則欲如是為之矣敦仁曰連日入診湯劑榻教輒頌文蹟外間無疑眩之端向來羣情之騷動今已妥帖云矣○壬子行藥院入診于迎春軒○癸丑行藥院入診于迎春軒○甲寅○乙卯上御春塘臺行總衛營別試射○丙辰行藥院入診于迎春軒○丁巳○戊午上御春塘臺行慶科庭試文武科文取尹墩等五人武取孫錫瑩等五十人○咸鏡監司朴永元狀啓利原縣執提異樣船三隻彼人十八人押囚於本縣多般詰問語音不同示以書字全無字畫之據北青府異樣船一隻過去挽執問答言語全然不辨而贈以畫二張柳筐一箇冊張書二張仍向海中莫知所向云而以問情前下陸已非法式拘囚邑底大失柔遠

之義該縣監請罷職問情筆跡一張北青府彼人物件中墨跡二張畫本二張
並上送于備邊司○己未以金輔根為吏曹參判洪在詰為司憲府大司憲○
庚申設三日製于泮宮○辛酉○壬戌○癸亥行藥院入診于迎春軒○甲子
○乙丑以徐其淳為禮曹判書○丙寅○丁卯命北兵營都試冒錄諸人科名
及加資一並勿施所授紅牌官教收聚父周○閏四月戊辰以徐左輔為禮曹
判書○己巳○庚午○辛未○壬申○癸酉設春到記于春塘臺講居首朴思
謙製述表居首李啓善並直赴殿試○甲戌行藥院入診于迎春軒○乙亥○
丙子○丁丑兩雹○行藥院入診于迎春軒○命進上鹿茸依羅蔘封進例定
差負來納○戊寅許施江界府閭延設站置撥之請因備邊司稟覆平安監司
趙斗淳狀啓也○己卯○庚辰以洪永圭為吏曹參議○辛巳○壬午○癸未
教曰東朝周甲誕彌之辰近隔一月即國朝罕有之大慶也誕日又當行賀禮
告布則只行於元朝已諭於昨冬筵中矣予小子岡陵之祝尤切於虹流之節
仰承撝謙之慈德雖不敢張大飾慶五月十五日當詣明政殿月臺親上致詞
箋文表衷略伸微誠依乙卯年已例磨鍊儀節以入事分付該曹○甲申給遂
安郡燒戶恤典○乙酉○丙戌○丁亥上御春塘臺行日次儒生殿講居首朴

麟夏直赴殿試○戊子○己丑○庚寅○辛卯○壬辰○癸巳○甲午○乙未
上詣太廟展拜春謁也○丙申○五月丁酉以李嘉愚為刑曹判書申命源為
慶尚左道兵馬節度使○戊戌○己亥以尹致秀為刑曹判書○庚子○辛丑
○壬寅○癸卯○甲辰○乙巳○丙午○丁未○戊申○己酉東朝廷辰進箋
致詞進表裏命自內親上○諭判府事鄭元容教曰卿之遯荒今幾月矣往事
不須更說而予心悵缺尤何言哉况今東朝慶辰只隔數日在卿情禮亦豈可
退處鄉廬不思所以獻賀乎茲遣史官悉諭十行望卿即為還第勿復遠巡以
副予至意○庚戌行藥院入診于觀物軒都提調權敦仁曰近聞入診醫官所
傳之言則面部上有浮候云矣今此仰瞻有微浮之候下情不勝憧憧大小便
則何如日間諸節更若何上曰大小便頗通利但有微浮之氣而姑未快勝矣
敦仁曰小洩多少何如上曰去夜洽為一甫兒矣敦仁曰通計晝夜為幾次
乎上曰自初更前至四五更小洩洽為半溺缸矣敦仁曰小洩如通利則微浮
之候自當漸臻快降矣寢睡水刺之節何如上曰寢睡頗穩而飲啖亦如常但
食後微有脹意矣敦仁曰臣未得入侍幾至踰月矣神色諸節別無加減而還
有差勝之漸矣上曰微有浮氣而其外則比前日少有差勝矣○辛亥親上箋

文致詞表裏于大王大妃殿自內行禮也百官詰明政殿庭陳賀後賜饌○召見時原任大臣于觀物軒○壬子○癸丑以李應植為訓鍊大將徐相五為總衛大將○甲寅以洪在龍為御營大將○乙卯以曹錫亨為成均館大司成○丙辰○丁巳○戊午○己未○庚申○辛酉○壬戌京畿監司金箕晚以楊州尼昌善稱以設醮聚會僧徒昇佛闡入校宮啓請廟堂稟處廟堂覆啓以為妖尼頑僧罔念校宮之重作此悖亂之舉其地則莫嚴莫重其心則至凶至悖依大明律左道亂正之術為首者絞之文首惡請令地方官處絞其餘應募諸僧分首從減死定配允之○癸亥○甲子○乙丑○丙寅○六月丁卯○戊辰○己巳○庚午○辛未命藥院輪直○壬申藥院請診批以己自內入診矣○藥院并直○教曰藥房三提調時原任大臣閣臣入侍○移藥院為侍藥廳○命大寶納于大王大妃殿○行廟社宮山川祈禱○上大漸○宮城扈衛○午時上昇遐于昌德宮之重熙堂○復○易服○大王大妃口傳下教曰院相權判府事為之○大王大妃召見時原任大臣于熙政堂大王大妃哭泣曰天胡忍斯天胡忍斯趙寅永號泣抑塞曰五百年宗社豈料今日遽至於此乎大王大妃哭泣曰遭憾胡至此極寅永曰伏願寬抑焉鄭元容曰臣等無祿遭此崩圻

之痛穹壤茫茫何辭仰慰而顧今宗社之危凜乎一髮臣民所望者惟我慈聖
殿下也權敦仁哭泣曰臣等以不忠無狀頑命不滅至於老白首遭此崩圻之
變慟質罔極而此莫非臣等之罪矣寅永曰國運豈至於如此乎朴晦壽曰十
分寬抑焉金道喜曰宗社大計一時為急伏願亟為下教焉大王大妃掩抑下
教曰宗社付托時急仍語泣相半且聲音微細諸臣不能詳承元容曰宗社大
計急矣伏願寬抑分明下教使臣等詳細承聆此莫重莫大之事不可只奉辭
教伏望以文字書下大王大妃曰此有文字書之者矣元容曰年歲今為幾何
大王大妃曰十九歲矣寅永等曰宗社大計今既有定誠萬萬慶幸矣此是至
重且大之事也軍總幾許先為定送陪衛本第似好矣答曰先送陪衛之言果
好矣元容曰此事至為重大奉信蹟敬傳祇受實合禮節今下慈教使政院謹
為精書入覽于慈聖後還下奉彩興具儀仗臣等陪詣敬傳宜矣大王大妃曰
事體果如所奏如是為之也○大王大妃教曰宗社付托時急英廟朝血脉今
上與江華居元範而已以此定以宗社付托即曠之第三子○大王大妃教曰
奉迎儀節依例舉行左議政金道喜啓言今伏承下教宗社之托已定不勝萬
萬慶幸而第伏念新王明習庶務之道專在於慈聖殿下垂簾導迪之訓伏願

亟下傳教庸答羣情馬大王大妃教曰新王年近二十歲子則年過六十亦已
神精昏耗矣今何可更論此事而國事至重既無推諉之所當勉從矣仍教曰
垂簾節目令該曹依例舉行○大王大妃教曰奉迎前兵摠府堂郎率三營門
軍校先為往護又教曰奉迎大臣鄭判府事進去又教曰奉迎承旨都承旨進
去○癸酉沐浴襲舍○小斂○甲戌大王大妃教曰奉迎之行明將入闕封爵
一欵令該曹即為舉行君號以德完君擬入又教曰恩彥君內外復爵令該曹
當日舉行○大王大妃命德完君封爵教旨左承旨南性教奉傳○大王大妃
命嗣位告由祭祝文以左議政金道喜名為之○移奉靈床于歡慶殿○乙亥
德完君詣殯殿舉哀○德完君冠于熙政堂

領府事 趙寅 承判府事 鄭元 答院
相權 教仁 左議政 金道喜 判府事

升 贈 壽 都 承 旨 洪 鍾 應 記 事 官
洪 鍾 雲 尹 滋 惠 南 秉 吉 入 容

憲宗經文緯武明仁哲考大王實錄卷之十六

(B)
732.55
4724
[v.28]
no.8
0230301

昭和七年七月十五日印刷
昭和七年七月二十日發行

(景李朝實錄大白山本)

京城帝國大學法文學部

京城府蓬萊町三丁目六十二・三番地

印刷所 朝鮮印刷株式會社

(B)
732.55
4724
[v.28]
no.8